

# U-DON JADU

*" UkuHamba yimFundo."*

Imbali yokukhuthaza uManyano nenKqubela-Phambili

IBALWE NGU-

S. E. KUNENE MQHAYI



THE LOVEDALE PRESS

1951



**IMBONGI YESIZWE.**

"*Lo ngulo mXhosa uisetetha phambi komElekazi iPrince of Wales.*"

—Cape Times, 29th May, 1925.

Af 496.3-M

**ISALATHISO**

A584569

IntSusa ..	..	..	5
Ezinye izAnzwili ..	..	..	7
UkuJika kweLanga ..	..	..	13
Iintombi ..	..	..	17
<b>ICANDELO LESIBINI.</b>			
Ukunduluka ..	..	..	20
EsiXekweni eZathuza ..	..	..	21
KwinTsunguzi yeziGesenga ..	..	..	23
Kumzi weBulu eZufa ..	..	..	27
EMnandi ..	..	..	31
Emva koQhwithela ..	..	..	35
UkuNgena emSebenzini ..	..	..	40
ImVuselelo nomQukumbelo ..	..	..	46
<b>ICANDELO LESITHATHU.</b>			
IZwekazi lomLingo ..	..	..	49
UkuziPhathela ..	..	..	51
UDondolo ..	..	..	53
UkuNdululwa nokuMiselwa ..	..	..	57
ImiThetho neziMiselo ..	..	..	60
InKquqela nomQukumbelo ..	..	..	64
1096 7			
F51			

## INTΣΑΥΕΛΕΟ.

Umfalisi wale mbalana ngumnumzana uDondolo into kaJadu, umZima ; koko igama lakhe ukulifutshanisa uthi " Don Jadu." Umnumzana lwo uvele ngeli xesa lokhanyo nienkqubela ; kuloko

Ukuyisalisa kwakhe imbali le uthi :—

" Ndiyekela kumntu ngamnye.

Akholve yy' okholwayo ;

Angakhawl' ong;akholwayo,—

Andibeki tyala namnye."

Umnumzana lwo uvele ngeli xesa lokhanyo nienkqubela ; kuloko ngumntwana wasezilalini zasemaXhoseni. Imfundu unayo kakuhle ; laseude wakhe wayizuza neyaPhefseya kweeLwandle, ngakwicala mPuma-langa.

Ndifanelwe kukupheza apho aziqhusele ngokwakhe imbali yakhe uDondolo.

Owenu umhla nezolo,

S. E. KUNE MQHAYI.

Entab'ozuko,  
Berlin, C.P.

KweyomDumba (Feby.), 1929.

## ISAHLUKO I.

## INTSUSA.

Ndakha ndathi ndiseyindodana eminyaka imasumi masini poqo, ndanduluka ekhaya emaXhoseni, ndasinga emLungwini, kwesinyesezixeko (dolophu) zakhona. Kuthe ngomnye umhla, xa kanye ndisedolophini, kwathi qatha, kum into yokuba ndikhe ndiyekufona udadebawo, intombi kabaw' omkhulu, eyayendele phofu kwa sekhaya, yaza yathi ngeenkcithakalo ezi yafudukela emaΓanugen. Isithuba phakathi kwedolophu leyo nomzi lwo wayo sasiziimayile ezikumaʃumi amathathu nangaphezulwana kuhle.

*Amapolisa.*—Ithe yakuthi qatha loo ngqondo yokuba ma ndihambe, andadenda, ndaase ndihlaba kanobom ukuya kuphuma edolophini,—koko ndithe ukuba ndithi ukuyinikela umva idolophu, ndabona amapolisa amasini, elandeelana esiza ngakum, ekhweli kwiinkabi zamahase, phambili ilipolisa elimhlophe emva ilipolisa elimnyama. Lithe elimhlophe lakufika kum lavakala libuza ipasi (incwadi) ngokwenthetho yesiNgesi ; ndiphendule ngesiXhosa ndisithi " Andizange ndiyiphathe loo nto." Ndithe ndakutjho, landiphanga-phanga ukundisuzu lisithi : " Ngani ? Ngokuba kuthe ni ? Uyinto ni ? UliLawu ? " Ndithe mna : " NdingumJinqhi." Ndithe ukuba nditjho, laangathi be liphantsi kade eli lakowethu limnyama, lakhumbula kum esiqwini lithetha lisithi " Yini le ! Nicing' ukuba niza kwaphul' imithetho niman' ukuthi ningamaJinqhi, Yinto n' le nto ! " Lithe ukuba lisondele se liphethe namakhonko, ndalisunduza ngamandla ndisithi : " Khwelela phaya sukusihlambela ! " Ndithe ukuba ndenje njalo lajika eli lomLungu (ndingazi ukuba lifunde nto ni na) lahlaba kwa ngendlela labekisa kuwalo phaya lisithi : " Myek' ahambe ! " Yeenje njeya into yakowethu ihamba imborbozelo ; se ndisiva xa ithi : " Nokhala mna andizange ndeenjiwe njalo liXhontsana."

Ndihlabile nam ndahamba indlel' am,—ndahamba ndiyicinga le nto yokukunxhanyelwa kwam kungaka ngoyena wakowethu umuntu. Koko ndisuye ndakhumbula ukuba kanene, impilo yalo mfo wakowethu, neyentsapho yakhe ikuyo le nto, ngaphandle kokunqavula enje nje, akukho kunyuselwa nakuthembeka kungakanani kuye ; ndahamba ndinosizi sisizwe endisiso ; kuba namhla nje ndingumhambi nje, ikhaya lam i6ingulo mfo unga ndingaya kulala kwindawo embi, kuba isisonka loo nto kuye. Wathi nokwenza lo mfo le nto wayithathela kakhulu esiqwini sakhe, wathi nomthetho lwo waphukileyo, ngokungabi na-

ncwadi kwam, wanga ngumthetho wakhe ; yaye intsusa yaloo nto yonke isisonka sakhe sokuphila. Yacaca intetho ethi : " Akukho ukwayama ngomfa olambayo." Ndakhumbula nokukhumbula ukuba lo mfo wakowethu asiqumbelene nganto, asilwi ; kodwa ngomhla esifonanayo senjana nje, kanye ngokwezinja.

*Izigebenga.*—Ngeli xesa ndandise ndiye ndavelela isitywakadi se-ntsunguzi ende kunene emke nentlambo ; noko ke ißiyindawo ethethwayo le, nakuba mna ndandingathathelanga ngqalelo ingakanani ngayo loo nto. Ndithe ndingangenanga kuya phi entsunguzin' apha, ahle andixeleta amanwele ukuba akulambathi phakathi apha. Kwalile ukuba ilingane ngemva nangaphambil, kwavakala " Tywalakabatyawa " etyholweni elikhulu,—ndiva : " Ncazela wethu ! " Ndinge ndingadungadelisa yaqokela indoda : " Mfo ndini, ndithi ncazela yini ! Usithulu ? " Ndiphendule kamsinya ngoku ndisithi " Andinacuba." " Yini, wenzan' ukwenje njal' ukuthetha mfo ndini ? Uqhayise nganto ni ? " Litshilo ilizwi eliphuma etyholweni. Ndithe, " O ! Hayi ke yi-za kulithatha kwa ngaloo ndlela uqhele ukulifumana ngayo ebantwini."

Ndithe xa nditjhoyo ndathi phaka ngokukhangela ngaphambil—Yini le ! Naanzo iinto zombini se zimi kakuhle ; enye kuzo iliLawu, ezi zingasemva se ndithetha nazo ikwaziinto zombini. O ! Ndithe ndakuqonda ukuba ndisengxingwensi, ndavakala ndithetha, ndisingisa kumacala omabini ndisithi : " Niya bona ke madoda, lo msebenzi siza kuwenza apha ubalulekile, kuba ikho indoda enye namaibini endiza kusala apha ndiqamelisene nawo ngeengalo,—ngoko ke ndithi nani kha nibale eyenu imiyolelo, nam ndiza kubala owam,—ndenze iwili netestamente." Ndithe ndisitjhoso ndabe ndibubeka phantsi ubunxhowana (*hand bag*) endibe ndisuphethe, ndibuvula ndingathi ndijola Guphetshana,—awu ! yeka, ngesizathu endingasaziyo, ndiva ngeLawu se lingathi lihla entungo, libaleka lisimbela isinqe, livakala lisithi : " Ipol' pistol' safo ndini ! Ipol' pistol' safo ndini ! " Tyhini le ! Tyhini le ! Yeka ke, kwathi hlwa, hlwa, hlwa, palakaty ! Amadoda onke ayabaleka ; ndithe noko se ndimemeza ndisithi : " Liya xoka andinapistoli ! " Hayi ndanga amadoda ndiya wavuthela, aya kwela kwantsiza. Ndasala ndifumane ndema ndedwa kule ndawo, ndicinga ngesithetho esithi : " Abangendawo babaleka bengasukelwa nto." Kuthe kwesi situbua kwasbonakala ukuba ma ndihlase endleleni, kuke apha ndiya khona. Okwenene ndeenje njeya, ndihamba ndiyicunga le nto yaaba safo bakowethu fiansanelwe igazi lafantu bakowabo bade bahambe begcwagewalaza ezintsunguzini befuna lona—ndisuke ndaaliiyo.

Ke kaloku ingqondo kum imke kakhulu nale nto yokuthi amadoda

angaka alahlekiswe liLawu, liwaxokise akholwe nawo, apha nge ezuze kanosom. Ndandingenapistoli enyanisweni, ndingenanto ibukhalix mpela ; nto ndandinayo yintonga engenasidlanga, nasiva ; ndaye namndandikufundisiwe ukuyiphatha nokuyisebenzisa into leyo, naphakathi kweqela lamadoda. Ndithi la madoda nga ezuze kanosom kuba ezi zinto izigebenga ziinto ezifumane zixhamleke ukugebenga umntu zimbulale kanti ziza kwahluleana ngeseleni enye, zabelane ngaloo majacu ebe ambethwe lixhoba elo lazo. Mna ke ndandingenjalo kuya phi, kubia ndandineeponti ezilisumi kum, zaye iinguo endandizambethe zifikile nazo esumini leeponti, ixabiso lazo ; ndaye ndandiqaala ukuza-mbatha ngoloo hambo ; ndidisanisa nexaßiso lenxhowa leyo nempahlana eyayiphakathi kuyo, nesambuleli.

Indicingise le nto yaaba safo, yaya kundifikasiwa kwinto yokuba kanene-abantu bakowethu sanje kuzo zonke indawo-ndawo zempilo yeli phakade ; wobona amadoda edibana, ethethana, ade ange avene ngecebo-lokuphila ema lenziwe—kwale xa kanye into ilungayo kuthi thu umcakkaka weLawu, ulichithe lonke elo bunga, kumkiwe kuziinckithakalo. Ukuba la madoda ayethe azimisela ukundisulala, akaphula-phula nto zininzi ndizithethayo, eza, andihlasela ngamandla awo onke, nge eba aphumelela nomnqweno wawo ; kwaakho into aya nayo entsatsheni yawo noko ingephi ; kodwa achithwe fuxoki nosugwala feLawu. Yaye ikwayinto ni na yona le nto kubantu bakowethu, ukuthi izolo nomhla xa benza into badle ngokuthi khatha umntu weziwe, sangakhe Gayenze bodwa into baphumelele nayo ? Uya bona ke umfo wezizwe yinto esuka iluhlekeze umanyano ngokubona izinto ezingekhoyo, iwonele umzi uphela.

## ISAHLUKO II.

### EZINYE IZANZWILI.

*Inciniba.*—Ndihambile ndaya kuyiphuma intsunguzi ndahlalela ngoku ummango endithe ukuya kuwuthi tya kwam, ndathi thu kwithafakazi elimcangalabe, koko lalizele ziinciniba, ezimdaka nezimnyama. Ma uqonde ke ukuba thina fiantwana fiasemaXhoseni, asidlali ngenci-niba, kuba asiyazi saye sisoyika nemazi, thina zaye nezi kuthiwa azikawazi kukhaba azingi zingafundela kuthi ; namacebo ekuthiwa ayenziwa okulwa inciniba asazi nto ngawo.

Ndifonakele ndinqumama, ndifunda indlela ema ndenze ngayo ukuphepha olu gxuba lweenciniba, ndaggiba ekuseni indlela le ma

ndiyilahle ndiphume ngokunene kuyo, buze ubuninzi bomhlambi ndisunikele ukhohlo ; ndifumene kanjalo ukuba ngaphaya kogxuba olu, ikruhko ucingo olunqamlezayo, olungathi lundilamlele xa kude kwenzeka rukuba ndiye kufika kulo ; indlēla yam ifike yaanesango kulo olo lucingo, noko kungekho themba lokuba ndingade ndiye kuphumela ngesango, noko ikwalelinye ityala elo.

Ndiyihiye aphi okunene indlēla, ndehla ekweneni kwedobo nongana, ndada ndeegungxu ndafika entlanjaneni, ndawela aphi kungekho zibuko, ndatsifa, iindonga nemithana enqamlezileyo, hayi ndeekreqe ngaphaya, noko ndiqondayo ukuba nge kuba zindenzile iinttsasa nameva ezinyaweni naseziqueni ukuba be ndingakhuselw zizihlangu nezambatho. Ndilingene ngomsindo ithafa elo, ndihamba ndiphepha iizicuku ezikhulu zeenciniha ; okunene ezinye se zisanela ukukhamisa ile milomo ndingayithandiyo, zithi zimbi zifukumise amaphiko, zindiyek noko ndigqithe. Ngeli xesa ndihamba ngezitha, ndalamie iinto zombini ezimnyama ngokukhazimlayo zona, iinto eziintungo zibomvu ; ikoko zazixakekile zisilwa ; iinto ezikulwa kubi, yinile ! Kwasuka kwathi ukuvuthuluka koboya bazo kwanga kukuwa kwestichotho ! Ndikhawulezile mna ndanyubela,—koko ndithe ndisanyubela njalo, andayazi into eyenze ukuba zindalame kunye zombini.

Zithe zakundithi mandla, zawulibala ngelo phanyazo umcimbi wazo ezihe zingavananga ngawo, zasukela lo wasemzini,—undim. Amendu enciniha ke ngalawo axelwayo naziz' izibalo zisithi : "Iya lihleka ihase kunye nomkhweli walo." Awu,—hayi, ndifumene nam ukuba icebo linye qha kulapha nje, lelokuba ndicele kooxhongo. Amendu kum asinto yakha yaakho, kodwa kufuneke ndifincelele neso sichenenana, ndipole nemfihlo ngaphaya koko.

Into ebelithemba kum ihe yeeyokuba noko ezi ntsaba zam zidiniwe kokuya kulwa be zisilwa, ngoko amendu akayi kuba nga ngoko ; ndithembe kanjalo into yokuba zindibone se ndinethuba kuzo, se ndisiya elucingweni olyua be ndilusbone lungaphaya komhlambi ; athe kanti amathemba am akazi kuphatheka kuya phi.

Se nditshilo kambe ukuba ngobuntanga ndikumasumi omafini eminyaka yokuvela ; isithomo ke sikufuphi kwiinyawo ezintandathu, kuba siziinyawo zontlanu zineeintsi zosithoba (5ft. 9ins.). Ubumzima, be ndizilinganisela ngayo loo ntsasa kanye, fungamakhulu omafini eeponti anaponti 'ntlanu (205 lbs.) woqonda ke ukuba obo gunzima asisubo obulingene intanga endiyiyo, baye bungebubo obunukunda umtutu ngamendu.

Linge liya dlala iphika ukuthi vingci kwalo ; zaye iinciniha ziwuza umhlaba emva kwam,; nditsho, ndatsho, ndatsho,—ndabona ngocingo

se luziiyadi ezisekhulwini elinye phambi kwam, ndazama, ndafontelela ndalinga, ndabona ucingo se luziiyadi ezisumi nye, zaye iinciniha se ndiziva imifutho, se ziwa the na-a-a amaphiko emva kwam apha. Kuthe ekuyeni elucingweni yabe se ingamanxhasi-nxhasi, ingekho mpela yona indlēla yokuvula isango. Ndizigibisele njalo elucingweni, lwathi kuba lolwameva, lwandinika into leyo be ndiyifuna ;—ndithe ndingekaphumeli ndonke elucingweni lavakala igaleo lenkunz'enciniha yatsjo "Xwa !" zahlokoma zatsho zaangathi ziqhawuke zonke iz intlu zocingo. Ithe kanti ayigaleli ngaluthupha, ifike yazigibisela ngesifuba, lwayinqanda ucingo.

Ndithe palakatyu mna, ndaya ndaziphosa kwisicithana esinencha, nezihlahlana zemphepo, nenkanga, ndaalutywantsi aphi. Zaye iinciniha zombini zimi zikhothana phambi kwam apha. Indicingise nzulu le nto yezi nciniha, ukuthi se zisilwa ngokoyikekayo kangakaya, zikwazi ukuthi zakubona utshaba lwasemzini zikhe ziziyek izahlukwano zaphakathi kwekhaya, zisukele le nto yasemzini. Ndiqondile ukuba zifundisa mna, mna kanye, nabantu fakowethu ; thina singakwaziyo ukukhe sizibekhe phantsi iingxaban zasemkhaya, ngenxa yotshaba lwasemzini oluthe lwafika. Isiphumo soko ke sihlala sifunywana ziintsa zethu sizizisulu ; kulwiswe omnye ngomnye, sichithane sibe ziimpanza. Ndive ndizithanda ezi nciniha ndizingingela ukuba zeazona zinenggondo kunam, nesizwe sam.

*Irama.*—Lo gama ndithe tywa kwesi cithi, ndicinga ezi zinto ndiya yiva le nto imana ukusukuma phantsi kwam, ifutha ; koko andandulanga ndiyithathele ngqalelwani, ndicinga ukuba ingqondo ifisemke kakhulu neenciniha eziya. Kuthe ngelikade ndeekhwaphuphu ndakhangel, "Awu ! Iyawa yinto ni nale ? Nithe kukho ntsikelelo kodwa kule ndlela ndiyihambayo ?" Ndithe kanti kwesi sicithana ndizingibisela phezu kwento enku yezamba, into eggolileyo yezixhobo. Olo hlobo ke lolu luBuHlungu bunga ngobukaqebeyi, kuba lutya ezo nto zoqexe, atya zona naye. Ndithe ukulalama oku ngeliso, ndanga ndivuthelwa ngedamanete ukuphakama, kuba okunene andingeze ndatsho ukuthi ndeenje nje ukuphakama kwam ; ndaxhuma zatsho zabaleka iinciniha zanikelana imiva, zaligqiba elo thafa, ngoku zothuswa ndim, lowa be zimsukela, yinile ! Yandifundisa loo nto ukuba akukho kqoti lemhilh ngemihla, ikroti liba ligwala ngenye imini ; ikroti eliphikele usukroti le mihra yonke lenzakala liluhlaza, lingabanga luncedo sizweni nakubani.

Ndisuye ngokuliqa iroma elo, ndada ndaqondisisa ukuba isithe tho ndisifezile esithi : "Inzala yomfazi iya kuyityumza intloko inzala yenysoka." Ibuyile ngoku ezinciniseni ingqondo, ndacinga ngale nto

yeli ramba, ndisithi lindiyekke ngokuthi ni na? Laye ngokufutha oku lingekandilumi be linyanga nto ni na? Ndicinge ukuthi ma lise be lizibonga ngokufutha oku, koko ndixakwe kukuña inokuthi ni na ukuthi into ingekenzi nto ife se iqala ngokuzidumisa? Ndilifumene eli ramba lisisifede esifana nam, nafakowethu, thina nto zibongana nge-hlazo, okanye zingenzanga nto. Ndicinge mna ukuthi nge lithe cwaka lona, lafuna ngaphandle kwengxolo ithuba elilungileyo, lokundizuza, laza ke lazibonga kamva, ukuze life liwenzile umsebenzi wesizwe sakowalo, "wokutymza isithende senzala yomfazi."

*AnaBulu.*—Ndithe ndisamana ndicamngca ezi zinto xa ndilungise-lela ukuña ma ndihambe, ndeva emva kwam kufuphi,—fu-fu-fu-fu! Ndithe ndiya thi ukuth' ukubeka—ndabe se ndihlangana nothuli lugoduka! Ingxolo endingayiqhelanga! Intetho endingayaziyo! Lintfuntufthe zezithuko! Lintyankam zezabokwe! Yini le,—yinto ni ngoku? Se ndisiva mařesenga ngeendlebe xa kuthiwa: "Sibadam sesidalwa! Siyatha semfene! Sidenge soKafile!" Amaninzi ke ndi-nigaweva; kodwa ndiwaqonda ukuña akamnandi! Yinto ni na ngoku Likho na ixesa lokusuza,—se ndixhaxhazelewa nje ngathi ndiyinkom' eza kuhlinzwa,—yinto ni na? NgamaBulu, ngafanini Sale fama ndi-yinyatheleyo, ndisithi mna ndiphepha iinciniña, kanti ndiziphos'esitshwini!

Le nto ngamaBulu masini, akhwele kwiingqakamba zeenkaši zamahase! Andithathe andalathisa umbindi wendela,—indlela ebuyayo, eya etolongweni, kwa kwesiya sixeko ndinduluke kuso kusasa! Ithuba lokuzithandazela linqafe ngaphezu kwayo yonke into yomhlaba. Ukuña ndikhe ndalinga ukuthetha ndothi ndisathi, "Baas!—" Yeka! Ndingaši nakuligqiba elo zwi, noko ngathi lifutshane kangako—ndiqonde ukuña isabokhwe se sindityile.

Zithe kaloku ezi ngubo ndizambetheyo zajika zaalityala ngokwazo; yathi le nxhowana intlana ndiyiphethe ngesandla yaqala yanchola. Ndiqalile nam ngoku ndanga nga nge be ndisanjwe ngalawa mapolisa akusasa, kuba apho be ndisekufuphi edolophini. Buqalile obuya bu-nqakamba bam bale mini yonke baphela, ndafumana ngoku ndaa-nqumbozwana. Ndiše kucinga ukungawoyiki kwam amapolisa akusa-sa, nokungawoyiki kwam amadoda amane azizigebenga; kanti ndinje ukuwoyika kwam,—ndise phofu ndingaboni nazingalo ziphi komnye lo, nakuña omnye esisiqololwane kwaakanye, isixhomfula seBulu,—hayi azindicedanga zonke ezo ngecinga, ndiwoyikile wona amadoda lawo!

Ndisonakele ndivuma ndihamba, yekoko ukuña kundingena nge-sango, endiqhusa, endithuka, endigxwala, athi namahase la aphantse ukundinyathela izithende!

Ndithe xa ndingenayo esangweni, ndafikelwa ngoku yenyenqondo eyokuba ezi zinto ma ndingazikhathazi kangaka ngazo, "ukho umNini wam, nam ngokwam andinguye wam; ithe yakufika loo ngcinka kwa-akho into ethi gungxu esifubeni apha, kwathi qafu! Ndavakala ndithetha ndedwa ndisithi: "Ungowam Yena, nam ndingowaKhé!" Avakele ebuzana odwa ukuña andithi ni na; aphendulana kwa odwa ngelokuthi akazi; ayé esamaná ukugigitheka ehleka.

Kuthe kanye xa sikuloo ndawo, kwathi gqi elinye iBulu! Lavela lihamba kangaka ihaje! Lize lagaleleka; lithe liya th' ukufika langa lingalingisa ngesabokhwe—lithetha lingxola, lithuka kwa nje ngala! Lithe kanti eli nguyise wala, ingwewu enge kuña isingaanabom ukuña be kungelapha, int' entsebe ibeth' elucabangeni,—kuthe kwaphakathi kwalo nxhasi-nxhasi, kwavakala ilizwi kule ngwevu xa ithi ngesiwayo "Ewe qabane uthi ni ke ngoku?" Yatsho imi ngaphambili ijonge kum, ngokungathi iza kuliphosa phezu kwam ihaje eli ilikhweleyo, ihle nangesabokhwe!

Ngeli xesa sjongeneyo naantsi intsapho yeli Bulu, eziindidi zonke, engamakhwenkwe neziintombazana, iintwana ezimnchorana, ezine-ntongo, eziřixi-řixana neempulwana ezi—iimpukane kuthi bu-u-u-u! Izicaka zikwalapha nazo, ezo nto zambethe amaponya, zagqoboza inxhowa zeenza imikhono, ekungekho nto yimbi ke ngaphaya kokó. Le mpi yonke iyavana ngam lo, iya krukrutheka, iya hleka, kumnandi!

Sithe sisajameleni sisenje nje nala maBulu kwaakho into ethi kum "Kha uphos' amehlo ngaphefeya;" okunene ndenje njalo, ndisbone umqokozo omde wemidaka emnyama ihamba ikpozile, ixhabase iinxhowa zendlela, neebekile ezimhlophe nezimnyama zokufilisa amanzi, iqokoze isiza nganeno. Kwa oko kufike kum ingqondo yokuba ma ndenze ulutho ngayo le nto hleze ndisinde,—kuña ukusinda oku umuntu ukufumana ngamazwembe-zwembe; yaye le into yale ndlela ke yona se indiqondisisile.

Ndithe ni? Ndithe phafu kwa oko ndathakazela,—ndamemeza,—ndakhofa! Ndaħambha ndagħaqgħamisa,—ndawakhawulela la madoda,—ndisthi "Metsho! Nganeno maLawu ndini!" Avakala ephendula ndingeva ukuña athi ni na; kodwa loo mpendulo yandenzela uncedokazi olungeluncinci, kuba athe ethetha abe esitħo wungu ejika esiza nganeno, athi nokuyenza le nto akayenza ngako ukuotha.

Uthi kwathi ni? Ndive ngelinje iBulu lisithi: "Jere Got!" Isbe ngawokugqibela ke lawo,—zaqhumis' uthuli iinkabi zamahase, nguyise phambili! Yekoko, ukuña kwela kwantsiza, apha ndingabu-yanga ndikhathalele kuva ukuña kuphi na. Intsapho le kunye nezicaka ziza kuthi ni na zona? Kunye nezinja yonke loo nto? Ziza kuthi ni

ukuthi ni, zingaceli kooxhongo nazo zilandele ooyise abaya neenkosi zazo? Ibe nguloo dyulukudu ke lowo, endingabuyanga ndikhathalele kusa mehlo am kuye.

Uthe kanti lo mqokozo womkhosi yimpi yejoyini, ivela eGawutini. Ithe ifika kum yabe isiwa ngazo, isinikisa. Andibanga nankcazelio nangxelo, ndisuke ndafumana ndamana ukuthi: "Andazi bafo ndini, ngalawa maBulu." Ndithe ndisamana ukutsho akhuza akalisala kwa wona la madoda, esithi: "Awu! Ehleli nje la maBulu akwaNeli asenale ntlondi?" Ayitsho kakhlulu la madoda le ntlondi yala maBulu, kwaamhlophe ukuba ayazana nawo. Ndide ndaibuza ukuba ayazana na nawo? "Sikhulela kuwo,—silusapho lwezi fama zisese phaya, kude kuye kuqabelia kuleya imimango iphambili."

Andibanga safuna kubuza nto zininzi kula madoda; nawo akabanga sathanda kundibuza-buza zinto asuke aanelia koko akwaziyo. Kubonakele kukum ngoku ukuba ma ndithethi, ndenze umbulelo kula madoda, koko amazwi akabanga kho, lisuke nelizwi latsha loxe. Ndifumane ndeva intwana yelizwi ephumayo isithi: "Obu bulungisa nindezeleyo madoda niza kubuvuna kamsinya."

Nditsho ndathi gwiqi kungekuko nokuba ndisindekile, ndahamba indlela Yam, asala wona la madoda engena emithunzini apho, ebasa ukuba azenzele izinto zokuhlaziya imizimba, kuloo ndawo ikufuphi namanzi,—ange angandicela nam ukuba ma ndifumane ulutho kuwo, kuloko ngelo xesa kwakungekavakali nto yimbi ngaphandle kwalo mva-ndedwa mbi kangaka. Kantikhona enyanisweni nadadise ndiphile liphang.

Ndihlafe kanobom noko ndinjalo, ndakha ndathabatha ithuba elide ndiphinda-phinda kwa lawa mazwi akwiNgoma yazo iingoma, athi: "Ugowam Yena; nam ndingowaKhe." Kuthe kusenjalo nqwakanqwa nesinye isixhothovu seBulu,—lavakala: "O, ubungcile kweziya zipelemnqa." Ndithe tu ndalijonga, andaphendula; kungengakuba ndiyoyika ngoku, ndimangaliswe nje kukuva intetho yakowethu ithe-thwa ngumntu wasemzini ngolu hlobo; ndibe kwakhona ndingazi ukuba ushephi na yena xa ezo zirelemnqa be zindigxwagxusa.

Liqokele eli Bulu lathi: "Uya bona wena uphantse ukuzenzakalisisa ngenxa yobudenge,—kukho indlu es' apha, indlela igqitha kanye ekhaya. Loo mzi ke ufika ukhuphe umntu wokupheleka iindwendwe zide ziggithe kweli sango, zisinde ke ezincinibeni, nakwizipelemnqa ezinjeya." Andivulanga mlomo, kodwa ndicinge izinto ezininzi nangaye, yena lo, Banga kum balihlokondiba elihamba kunye. Ndisuke ndeentwaju' ndahamba indlela Yam.

Ndithe kaloku ndakuba nokuziqonda ndayicinga le nto yala maBulu

onke. Koko iingcinga azivumanga ukutyhala zibekela phambili,—zisuke azabi namhlaba; ziphikele ukunqhubeka kwelokuba: "Sisini na ke esi simenje nje ukumphatha umntu wasemzini?" Ndide ndapeza kwelokuba inKosi yethu yayithetha ngokuyiqonda, nokuyazisia into yobuntu basemzini, ayizange ifumane itsho ukuthi: "Ndandingowasemzini; anandingenisa endlwini."

Ngeli xesa ubusu belanga babundikhulele, ndada ibatyi ndayithukulula, ndayithi tyu egxeni, ndahlabesa phambili,—ndisbone kwesosithuba, yini! Naali igozongo elikhulu lezinyo lezamba ebatyini, malunga egxalabeni, kumkhono wasekunene. O! Ndaqala ngoku ndaanaluvo lumbi ngeliya ramba ndaqonda ukuba owalo umsebenzi liwenzile, andingephiki nokuba lithe kanti alikabi nawo amava okuba linditsho enyameni na, nokuba linditsho eboyeni; kodwa ke naali igozongo lezinyo eliqondisa ukuba be likwenza okusemandleni alo ukulwela uhlanga lwakowalo lwasezinyokeni,—layenza loo nto lada laayinxaholo ngenxa yesizwe salo,—ndive ndinga ndingakhe ndisbone ndilisone eli ramba. Ndife kufuna kwawakowethu amadoda namadodana, nakwabakowethu abafazi neentombi, ongaba uyinxaholo edeyaphuma nezinyo ngenxa yokulwela uhlanga lwakowafo, andamfumana, andafumana nosuke uwzane, okanye uzipho lomnwe, hayi andafumana nosuke unwele ngenxa yamakowafo. Ndafumana ndafuna ukuba siluhlobo luni na olu ludilulwa nangamaqamba ngomanyano lobuzwe? Ide le nto yeli ramba yaamandundu, ukuba liwenza lo msebenzi lolidwa, entlango, kungekho nabani obelikhuthaza, kungekho nabani nobeya kulincoma alidumise ngomsebenzi eliwenzileyo. Ndiwuqondile ngoku nalaa mfutho ukuba ifingekuko ukuzibonga, koko isikukuzililela kumanyange akowalo, ukuba alikhangele koku kulimala lilimele ngako namhla ngenxa yesizwe sakowalo; ndaye ndisazi ukuba amakowalo lawo aya kulixolela.

### ISAHLUKO III.

### UKUJIKA KWE-LANGA.

*Izinja.* Ngeli xesa kwakuxa lijikayo ilanga lemin yehlobo, ndisahamba ndicinga ngezi ziganeko ndidibene nazo ngale ntsasa; kodwa kwakuse kuvakala emzimbeni ukuba oko kuthe kwasa andikomuli. Kuthe ke kwesi sithuba ndafuna ngasekunene endleleni umzi wolumlungu, ndacinga ukuthi ndingakhe ndiphambuke, ndicele nokuba lityhimi elityiwa zizinja neehangu zakhe; ndicinga nokuthi wothi ukuba

unento angathi ayithengise ndoyithenga nangenani, kuba ke se ndinje. Ndithe ndikucinga oko ndase ndiphambuka ndisiya ; ndithe ndingaya-nga phi andisona amanqugwala amabini omLungu,—okunene ke izinja ezimbini noko se ziziinto ezizizo, azinto ndinaluvalo ngazo kwe-lakowethu ; kodwa ezi ndiziqalileyo emhlabeni, nasemzini wakowazo ndiza kuzithi ni ?

Zize izinja zomLungu zingangxoli, zingakhonkothi zingathi ni, ndaye ndiqonda nam ukuba azizi kufika zidale nam. Ngelo xesa ke kwamLungu phaya, ndakuphosa iliso, kuya phithizela, kumiwe ngo-kumiwa, kuya menyezwa, kuzanywa ukunqandwa ezi nduna zombini koko ngathi zizivaille iindlebe ; emva kwazo mgama ikho le ndoda ndiyibonayo ukuba iya sukela, iya memeza iya thi ni,—koko into ni na? Zide zeza kugaleka kum iinduna ezinqugwala, kuxa mna ndifumane ndeexhwenene landiya, apho kungekho nomthi wokuba ukhwele, kwaye ukujika ndibalekele kwa sesangweni ndingakucinganga. Lo gama zizayo ndithe ndiya kusebenzisa le nduku ndiyiphethayo yomthombathi, kuba andinandlela yimbi yokuzikhusela, se ndoxolela ityala elo-thethwa ngemilomo, kunokuba ndijaculwe zizinja ezada neziBalo zathi ngazo : " Ndisindise ethupeni lenja." Kwalile ukuba zithi ba-katha phambi kwam ndipole isambuleli sam, endaweni yenduku,—ndasitsho vule ! ngokukhawuleza, ndasiphakamisa sona ndathi vu phantsi mna ! Yeka ke ! Kuthe ukumka kweenduna zomLungu zagilana, zakhawuleza ngaphezu kokuza kwazo, zisinga kwa sek haya se zihamba ngokuhamba ! Ènye se iqhwalela, kuba zithe zakuba malunga nomfo obezisukela, wema kuhle ngembokothwe kwenye, watsho enyongweni, watsho yaanyela umlenze. Ndicinge apha ngesibalo esithi " Baya kuza kuwe ngandlela nye, bsemke ngeendlela ezsixhenxe." Ndikhawulezile nam ndalandela ndinga ndingade ndiye kufika eba-ntwini, kuba ndicinga ukuthi hlez einduna ezinkulu zibuye ziluguqule uluvo lwazo zize kum ndiseddedwa ; kuba nam ndibe nafo ubuganga bokuya ngqo kwamLungu kuba ndithe ndayibona intsfukumo ukuba ingecala lam, kuba nala mfo ubesel' ekufuphi nam, usukele kwa izinja, ehamba ezixuluba zada zaya ekhaya ; zithe ukuba zifike, savakala isi-thonga sompu, kanti ngumnni-zo ukahlela enye, asikuko nokuba uxafiene sisenso sazo. Ndifike mna xa ngoku afuna enye, se iqungqu-luzile leya, ndikhawulezile ndatauzisa ndizama ukuthetha ngesiBulu sakowabo noko ndisipitilizayo, ndisithi ma kasel' eyixolela leya injazinden-zakalisanga, lithe gwiqi iBulu laya kungena endlwini lathi ma ndisizwe ; ndiyile ndangena endlwini, ndafika lo mfo eziphethe ngee-nkophe iinyembezi, ebulela uSo-mandla ngokusinda kwam kweziya zikhohlakali zezinja namhla nje ; uthe ethetha wafe endibambe nge-

sahla' şokunene, ethetha ngomzalwana. Ifhtlobo zebityo 'ezifanelek' leyo ndisbone ngazo se zidweliswe apha kule ndlu yokutyla yomLungu, zilungiswa yintombi yasekhay' apha ; ndicelwe ngembeko ukuba ma ndikhe ndiziqabule kanga ngoko kokholeka kum. Okunene ndikwe-nzile oko, noko ingqondo iphala-phalayo, kuba andikuqheli ukutyla ezindlwini zafeLungu, ndikhonzwa ziintombi zafo, yaye ingqondo ingekazoli nayile nto ndingene ngayo ekhay' apha. Bafike ngokufika abantwana basekhay' apha, kunye nonina, intokazi esithetha kunene isiXhosa ; ndibonakele ndisithi gabalala umzimba nam kukukhululeka kwaFa bantu basekhay' apha ; ndancokola, ndatya, ndaphila ; ndada ndacela kwa indlela ; hayi ndikhululwe kakuhle, ndakhatjhwa ndihansiwa ngendlela enqumlayo ukuya kungena kweyomendo.

Ndithe ngoku ndakuba ndedwa emendweni, yafika kakhulu ingc-ingane yezi zinto zihle kulo mzi uses' apha. Ndivisiwe nokuba intlalo yezi zinja ziya botjhelelwa, koko namhla nje uthe umntana uNiklasi, ngobuntwana wazikhulula kungekho mntu ubonayo ; ndifike yena sel' epena-pena efunyewne kanosom ngoswazi.

Le nto yoku kuza kwezinja kum, ndiyifanise nezi zifede zakowethu zisakuthi zigqibe ekwenzeni into, zize zithi se kuphambili, se zibonwa lilizwe liphela, zichithwe kuloo njongo kuku-vuka kwentuku le zithi kuvuke indlovu. Impi yakowethu ayikakufundi ukusuka yenze into, izimisele ukuyiqhuba nokuba kuhla nto ni na. Kha ukhangale ke la magwala ezinja asuke ekhaya egqibe kwelokundenza ndibe liswili eli, anqandiwe, amenyezwa, akeva, akaphula-phula ngokwezinti eziya entweni kanye, kodwa kha ukhangale, ajikwa ngumcakacakana wesambuleli, into engakwazi kubetha, nakusika, nakuhlafa,—zijikwa siugwala nobu budenge.

Ngokumalunga nomzi lo wakokwazo ezi zinja, ngoweBulu ; amaBulu ke ngafiona bantu banconywayo ngokungamfuni umntu omnyama; nokumcekisa ; kodwa kulapho umhambi womntu omnyama aphiliswe khona, akañizwa ntlawulo. Kwiintlanga ezimhlophe, ezingengawo amaBulu ngelo xesa kwakukho intetho esetyenziswayo ethi : " Ubom bomntu omnyama, bunganeno kobenciniba, nobenja yomLungu." Eli Bulu lide layidubula injia yalo ngenxa yomntu omnyama, ingamtyanga nokumtya. Le nto ifundisa ukuba akukho sizwe sisiskoh-hlakali ngendalo ; bakhо abangabantu nabangabantu kuzo zonke iintlanga. Malunga nokubethwa kwale nja enyongeni ngembokothwe nokudutyulwa kwaleya ngumnniyo, ewe, sifanelwe kukuba seso iso-hlawayo samagwala, into ezikikä zibuye zingajikwa nto.

Isizathu esindenzena ukuba ndiqiniseke ukuya kuloo mzi, ndithi ndiyibonile intshukumo ukuba ingecala lam, kwathi kanti kunjalo okunene.

Loo nto ithetha ukuthi ni? Ithetha ukuthi umhambi uya yibona intukumo yomzi, nokuba ingakuye nokuba ayikhona ngakuye, kungathethwanga nelizwi elinye; le nto kusakuthiwa umntu ufunde iintsebe zomnini-khaya, okanye umnikazi-khaya wemka ngesimathontsi afanzi. Umntu ma kangazingci ngokuthi akathethanga lizwi libi kumhambi, into yomhambi ziintsebe ezi, asikuko nokuya. Kukho emaxhoseni imizi eyaasoloko ineendwendwe; kanti loo nto kukuxelelana kwazo uve omnye esithi: "Wakuphambuka kuloo mzi usekuthini-thini ngumzi onobuntu lowo." Qonda ke ukuba akunconywa kutya kwawo, kunconywa ubuntu bawo.

*Amakhwenkwe.*—Ngeli xesa indlela Yam yayise isekupheleni, se ndikufuphi apha ndiya khona; nelanga kwakuxa limkayo. Kulo mma ngwana ndikuwo kwakukho iqela leenkomo zisedlelweni, phambi kwam ndabona isicukwana, kanti ngamakhwenkwe awalusa ezi nkomo,—ndithe ekuyeni ndisondela ndafumana ukuba zizicukwana zibini zamakhwenkwe, esinye singapha kwendlela, esinye singaphaya kwayo; kukpoziswe iintonga ngababala, ziqalele kulawa, zada zeza kula. Ndithe ekufikeni ndabulisa ndisithi: "Yitjhoni bafo bam!" Abulisse kumacala omabini, inxyene isithi: "Ewe bawo!" Ndifike ndanyathela kwezi zisendleleni iintonga, ndema, ndabuza ukuba iintonga ezi zicwangciselwe nto ni na? Impendulo ibe ziintlobo ngeentlobo, athe amanye akazi, athe amanye azicwangciselwanga nto, athe amanye, "Ngala makhwenkwe la!" Amanye aphendule ngokungcacela, aya eeu njeya! ecamanga ukuthi ndiza kuggiba ngokwenza isaqunge ngenduku. Ndibusile ukuba iinkomo ezi zezakowawo na? Avumile Ndibusuze ukuba akafundi na? Alandule. Ndibusuze izizathu zokungafundi, awe ngokuwa apha, amanye esithi akavunyelwa emakhaya, amanye athe akasoze afunde wona akafuni. Ndibuyelete kuloo mcwangciso weentonga ndithe ma kazithathe, ndatsho ndisithi le nto ndiyazela kumakhwenkwe amadala xa afuna ukubetha abahambi, ke nina nisengaka niya kubulawa ngabahambi, (nditsho noko ndiqonda ukuba akho anga ngamadoda). Ndibuyelete kwa kwinto yesikolo, kuba ndicinage ukuba kanene iyawa ngabantwana besi sizwe sam aaba bangafundiyo,abantwana bezzizwe se biephambil. Ndithethe naaba bantwana andabalinganisela, ndada ndaangathi se ndithetha nooyise bafio,—ndada nam ndaziva se ndinesigquku entliziyweni, ndifudumala, namehlo sel' efuna ukusulwa; ndithe gwiqi kweso sithuba ndahlaba kwa ngendlela. ndada ndaya kusithela emakhwenkweni, ndiqale apha ukujika phantsi kwetyholwana ndamisa ngamadol omafisi, ndasingisa ubuso ngakwiNtoba, kaNdoda; andibanga nantetho ndiyiqondayo, ndive kcdwa xa ndithi: "Zithe iinyembezi zam' entsubeni yaKho."

Ndinphakamile kwakamsinya ndehla ndaya kutsho kwintlanjana yokugqifela.

#### ISAHLUKO IV.

*Intombi.*—Kwalile ukuba ndiye kuyo loo ntlanjana, ndabona iqela leentombi eziqasayo, zilapha entlanjeni, ezinye zidlala, ezinye zilola inkwali, ezinye zizoba ubuso, ezinye zincokola; yaye ikho ingoma le iphantsi, itsho ngolwandile oluncamisa umxhelo. Ndithe be ndisiza umxhelo usabindekile kulaa makhwenkwe, ndeva kukho indawo ethe qabu; ndayithanda le ntisolwana ibubula kannandi; ndazithanda ezi nyawana zilolwayo; ndazithanda ezi ngcacana zithiwe chu kwezi nwelana zichazwe zabambathwa; ndawathanda nala maso nezi zambalo zisemiqaleni, zada zimbi zehla nezifutuya ezi. Ngalinye ndisiza kwezinye isimo kule ntlanjana.

Zithe ukuba zindifone iintokazi zaafa zaqala zafakana imilomo,—ivakele imemeza enye isithi: "Tokazi yih! emSibeni naank' umfana siza kumenzia!" Ndithe ndakuthi jezu kwelo cala, ndabona lo Tokazi owathi kamsinya weza kufika esiqhwini, ephethe isese lesundu, umlomo lo usemnyama ngulowa mSibe (mSwi) ebewutya. Ndiqonde kwa oko ukuba lo Tokazi ndimthande ngapezu kwezi mbelukazi zindithinteleyo apha, kwaye kuxa zithi: "Akugqithi nonyawo olunye apha mfana ndini ungenzanga." Ngelo xesa ndifumane ndathamba, ndema, ndazijonga ngokomfo oza kwenza kanye,—zaye zinobom ke wena! Andizazi apha zazivela khona ezi ntombi, kodwa zaziyivathole kakuhle loo ndawo nokuba yayiyindawo eyinto ni na; zaye ngobuqela zaziwafincile amanci omabini ada anomvo ova kanobom. Ngofuntanga ndaphawula ukuba ziqalele kwilinci leminyaka, zada zesa kwisiphohlongo umvo ezinkulu. Zithe zakundinakanwa ngokungathi ndiya thingaza kwafa kokukhonwa zindiphanga-phangayo zasondela zisithi ezinye: "Nqumla neqamba mfana sikuyeke uhambé!" Ezinye zisithi: "Zikhethole intombi eya kukukhele' amanzi mhla unxaniweyo" zaye zikho ezi zithi: "Khangel' intomb' oyithandawo kwezi ntombi!"

Inxyene ide igabadele ithi: "Zikhangele' umfazi!" Ndide ndaphendula ngelithambileyo ndisithi: "Andizazi bantwana bam ezi zinto nizithethayo, ndiphen' umtyhi ndihambe." Ndithe ndisitsho ndabe ndilinga ukutyhudisa, koko zazenze uqlima iintwanazana phambili kwam, kuqondakala ukuba ziya kundiqafa ndide ndinge nam ndikwavela kuloo ndawo zivela kuyo.

Ndibonakele ndithotha ndisithi ma ndinikwe isitsixo ndize kuthetha

Zithe zisaphutha-phatha ukukhangela iinkunkumana zamacuba ezi-  
ngafa zinazo ukuba zize kundivula umlomo ndaphanga ndathihlasi  
isebe leSundu kuTokazi,—yeke ke, kwabethwa nezandla, kwalli  
ngentswahla nesiqhakala sentsini emnandi, kusithiwa : “ Wenze  
kuTokazi ! ” “ Yini ntombi ndini ukusihlalisa phantsi kangaka ? ”  
Ithe le nto zakuyenje nje iintombi zam, ndakholwa, kuba enyanisweni,  
nangani ndandise ndide ndacela nezivula-mlomo, ndandingazimisele  
kude ndiqhube nje ngomnqweno wazo ; phofu ndandiza kuthetha kha-  
na ngesikolo, nje ngoko se ndenzile kubanakwazo ngaphezelu.

Lo Tokazi ke yihlo yintwanazan’ emboxwazana, emnyama ngoko-  
khoso lomya, eqhamileyo, enomhlantla, ebuntangeni ndimcingela  
kwiminyaka enci nye linaminyaka misini,—ukuba mahle kwaloo mazi-  
nywana made ! Izihombo wayengenayo nento, engenangcaca, enge-  
nankefane kuuphela entanyeni ethe ntyi umzi ophothiweyo, ekubon-  
kala ukuba nawo ubungesiso sihombo, koko uwuphothelwe kulonina  
ngenxa yomqala obuhlungu. Ukhe watsho uTokazi kum ukuthi :  
“ Zisa isundu lam.” Ndithe mna “ Ndiya kuze ndibe ndikunike  
isundu lakho Tokazi ! ” Zivakele ezinye kanjalo zisithjo ngesiqha-  
zolo zisithi : “ Se besazana namagama mtaka-ma ! .”

Kuthe kwesi sithuba ndangena ngoku ndabuza ezifundayo ukuba  
ziziphi na ; zife kusuka zikiyakiyea zisinasineka zibzu ukuba isikolo  
yinto yokwenza ni na, zit’ho zigxeka amayaka-yakana amaqbokazana  
ndayisumayela mna le nto ndisithi : “ Kaloku kungam ngoku ukuthetha  
kuza nindivulile umlomo.” Ndisonise kunene ukufanelwa kwazo  
kukuya esikolweni xa nje sikhoyo, sinjalo nje sikufuphi kangaka kom-  
wazo.

*EKhaya.*—Ithe yakuphela ngoku ingxolo, ndeegwiqi ndahamba ;  
ndiqabela loo mmango unamatyholo, ndingabekanga ngasemva, ndi-  
nyathela ngamandla,—ndiphindile apha ndaphambuka ngasetyho-  
lweni, ndamisa ngamadolo omafini ndijonge ngakwiNtasa kaNdoda ;  
ndiwenze amafini—mathathu ndithetha ngezi ntwanazana zezwe lam.  
Ukusuka apha ndiye kugaleleka kwaDad’obawo lingekatshoni ilanga.

Umyeni wodade-boawo yindoda eyaseka esi sikolwana kune na-  
basundisi abadala, se ingumfo obekete ngemfanelo ke ngoko, nowazi-  
wayo kuloo ngingqi, kwada kwaphathelela nakwiziphaluka eziyipawu-  
leyo.

Kuthe ngosuku olulandelayo weva umzi ukuba ndikho, nangani  
ubungandazi mna ubuso uninzi lwawo, kodwa belumazi kakhulu ubawo  
ngokumhambela apha kwadade wafo,—iße yinto eninzi ke ngoko etha-  
nde ukukhe ize kundibona, kumadoda nakubafazi abakhulu ; luthé ulu  
tsha halo Iwaakho, yasonakala iyimbutho enkulu apha, enegazi lenka-  
bi

yebokhwe emazinyo asibozo. Ndiqale oko ukuzincokola izinto endi-  
zibonileyo nendizivileyo ngendlela, zaamnandi zaambi ndakuhangela  
koko mna ndazithetha ngendledlana apha ekhaphukhaphu.

Kuthe ngosuku lwesthathu ndikho kwavakala ukuba naanguya  
umzi obomvu wamaqfasa ngasesikolweni, uze nabantwana ukuba baze  
kufunda ; athi abonyelwe ngamakhwenkwe namantombazana akalali  
nto zihlayo, athi afuna ukufunda. Inge imayana le nto kuqala, yaya  
ijiya ngokujiyi, yathi kanti iza kuba yinto,—kuloo veki ndayenza apha  
ayesel’ ekumanci omafini amakhwenkwe afundayo, angene kutsha  
yaye loo nto nasezintombazaneni ingene kakhulu se kukho ese zifunda;  
sibonakele sisanda isikolo.

*IThokazi lam.*—Kuthe kwa ngomhla olandela lowo wokufika kwam,  
sisebuhlanti nobawo lo, umnini-khaya, enonyana wakhe omkhulu  
uThozamile, ndeva ebuza kum ukuba ndisalikhumbula na ithokazi  
lenkomo awayethe uya ndipha ngempumelelo yam, ezifundweni kwi-  
minyaka elisumi eyadlulayo ? Ndithe mna fe ndiliphetha nalo engqo-  
ndweni, kune nenzala yalo ukuba lakha lazala. Kuthe gqada unyana  
wathi : “ Se ililo lodwa ezi nkomo uzifasonayo.” Bathe besitsho  
fafe bezalatha, elo xeja ke azikabi kho ezi ndevu, ndisuke ndafumana  
ndee nkamalala ndaasisonka, ndasambelela emlonyeni. Batsho ngeju-  
mi linesihlanu leenkomo, besithi zithe kutsha nje zafa, ngeziwafincile  
amanci omafini. Ezo ntsuku zonke ndandilapho ndandise ndihamba  
emva kweenkomo, ndiphume nazo, ndisuye nazo.

*Ukwanda kwesikolo nomgoduko.* Ndithe thiswe kakhulu ngengozi  
yokuthanda ukuhamba ndedwa, ndihambe ngeenyawo nokwenza oku ;  
waye udad’ obawo esithi akazange alale, oko wathi wayiva ingcombolo  
nenjece yokuza kwam. Ekubuyeni hayi sabuya neqela lamadodana  
awayesiya ezdilophini, endiqhubisa iinkomo zam ezo, kuba ndazitha-  
tha, ndasiya kwa ithokazana khona. Ibe yihambo emnandi kunene le  
yanamhla, kuba emaXhoseni akukho luhambo luzuke nje ngokuhamba  
uphambuka uyindoda.

Ndithe mhla ndafika ekhaya emaXhoseni, kwanga kufika umfo owe-  
mka mzuzu waya kukhonza emaBulwini, kothukwa ngabantu bonke ;  
baye bengasilibali neso senzo somyen i wodad’ obawo, isenzo sobuntu !

Incwadi ezifikayo ukuvela apha kwadad’ obawo ngezi mini zixela  
ukuba isikolo netyalike zaqhekezwu kwakhiwa simbi esikhulu,—kuba  
yaase iba ludiwu abazali ukulandela mathole,—kuthiwa ititshala ya-  
pheza ukubanye, ngoku zintlanu ; kuthiwa amakhwenkwe ambulela  
ngokuzondayo umfo awayemkrozisele iintonga ukuba aze ambethe  
akuzitsiba. Kuthiwa amafini-mathathu kuwo azitishala eziqinise-  
kileyo. Kuthiwa iintombi kanjalo zona ziya mbulela “ umfana ”

ezaye zimenzisa ; uTokazi ke yena andithethi nto ngaye, ndihlala naye, ngumfundisikazi waseWesile ; abantu kwa nam sithi Mfundisikazi kuye uzale umlomo ; iSundu lakhe walizuza kwada kwasala.

Naloo mizi yakomawawo yayiqasfa, ngoku ziingxande zasesikolweni, ungahlala ezitafeni, ulale kwezitofo-tofo nezitamtam, ufunde amaphpha, uncokole ngezombuso, nezolimo nemfuyo, nezemfundo, nezentlalo yamakhaya, uhlaziyeke engqondweni, wonwase,. Kuthiwa abantu belo zwe banomnqweno ongemncinane wokuba ndikhe ndibuye ndifike kwelo zwe, kuba bona kubo ngathi konke oko kwenzeke ngenxa yam.

Ekubenikweni ke nam ndikwanawo umnqweno wokukhe ndiye kuela kwelo zwe, koko ndisathiwe nkxi zizixingaxi nezixakeko, ndoze ndibuye ndikwenzele ezamhla ndithe gxada. Okwakaloku,  
—*Kha ubote mhlob' am.*

## ICANDELO LESIBINI.

### ISAHLUKO V.

### UKUNDULUKA.

Kude kwathi kwithuza elithile, zaphela eziya iingxakeko nezixaka-zezi be zimayhuyhuyhu kwafionakala ke ngoko ukuba ma ndikhe ndibuye ndihambele kwelo liPhakathi endikade ndinqwenewa ukuba ma ndikhe ndilihambele, ndife nam ndikwanjalo ukulinqwenela. Udaña lwelo zwe ke ngoku apha phakathi kwekhaya lwaluse lufumane lwa-angundaba-mlonyeni kuyo yonke le mizana, lada langa lilizwe apha elahlukileyo kwamanye amazwe. Akusanga mmangaliso ke ngoko ukuba ndithi ndakukhankanya ukuya khona ife ngulowo umntu avakalise owakhe umnqweno wokuhamba kunye nam,—kwada kwafionakala ukuba ndingathi ndikhe ndayivumela yonke loo minqweno ndingemka nabantu bonke besixeke, ndenze ubunzima nalapho ndihambe khona; phofu abantu aabo bona asikuko nokuba be fengakholwayo ndifike neqela labantu basemaXhoseni, kuba umntu wasemaXhoseni asikuko nokuba ucingelwa kakuhle kwelo zwe. Kubu onke amalangua luzuko kuwo ukusoloko ethetha ngelizwe lakowawo lasemaXhoseni, athi nokhe waya ngehambelo kuxhontelwe kuye ukuba kuviva iindabu, abe naye sel' exila intzo ezinkulu.

Emva kwamalungiselelo angephi, sithathene siziinto zontandathu, ndimsiya umfazana kunye nabantwanana ndingababali bona, safamba

uloliwe oya kanye kweso sixeko ndaye ndisuka kuso ngeenyawo ukuya kwamalume.

Ma ibe sezinqondweni indawo yokuba namhla anditsolele khona kwadad' obawo, ndijonge emzini; nalapho wofika uthande ukundisa khona ngokwawo.

Ufubele babantu ezindleleni busonise ukuba basaphila, noko iirafu zinje ubunzima, namalanga enje ukubalela, nezifo zenze indlakadla kangaka ebantwini,—kwahamba kuba zizigcume ezindleleni apha abeze kubulisa ; inxenyi iphethe imiphako, abanye bephetha amaphepa abaliweyo omkuliso, neminqweno emihle, kwa neentsikelelo zonke zezulu nomhlabu, besifundela, businika. Kwezi zinto zonke mna ndikhathazwe yingqondo ethi azi aasa bantu ndingaba ndandibenzele nto ni na nje ngokuba besenje nje nje kum ? Ndaye enyanisweni ndinge-nayo nento endicinga ukuthi bacenga yona kum, kuba baphilile ngezinto, basumile lee kunam, banemizi ezinzileyo, benjalo nje abanye kubo ngabantu abadala nabananamawonga. Ndithetha ke loo nto ayindikha-thazanga kancinane ngaphakathi; waye umazi nawe umntwana wo-mXhosa ukuba yinto enenzendo yempindezelo yofulungisa, ede ifubphindezelele nakoonyana boonyana.

### ISAHLUKO VI.

### ESIXEKWENI E-ZATHUZA.

Senze usuku lwaalunye endleleni kwathi ngolu lwestibini ekumkeni komhla yagaleleka nathi esixekweni inqwelo yomlilo. Kuthe kwa oko zabe se zibonakala izawukawu zabeze kusikhawulela. Wabe umzi se usilungiselele inani elithile leekari zokusisa kwindawo elungiselelwethina ; kuba sifike thina se kugqitywe kwelokuba singadluli ngolo lusuku, sidlule ngengomso, khona ukuze sikhe sibukwe ngobo busuku, senzelwe imbutho entle, eneentetho ezibanzi, neengoma ezilungiselelwewolu suku. Kubu kuo nalapho incwadi ebaliveyo, yada yazotywa kakuhe, esathi sayfundelwa sayinikwa.

Phakathi kweenetho ezikuyo le ncwadi, kubo kuo amagama nama-zwi awathi andimangalisa, ndada ndacinga ukuthi le ncwadi ayifundelwa mna. Wathetha umntu nge " Goja lohlanga," " Umhlobo wesizwe," " Inkokeli." Yayisithi intetho yakuthi chapha kulawo mazwi anjalo kusuke kuthi meje kabuhlungu enkaben, ndoyike ndife neentloni, ndisuke ndifumane ndife yinto engenamihlali, ndingavumi nokusi' umana nesizathu abawathethela phezu kwaso aaba bantu la

mazwi angaka. Ndithe ukuwaphendula kwam andaba nakho ukufumana nelizwi elinye elighinelana nale ntetho, nale mbutho ingam, ndasuka ndeva ukuba ndiya swampalaza, kuze kusuke kuthi kunjalo kunxhame kuse kho isigquu esisentliziwyeni, into yona esuke itsho ndiphelelwe; ndibe kusuka ndisebenzisa iqhiya yokunceda ubuso, hayi, asuke amehlo eenza ukuba ndibonwe nangumntwana ukuba ndaphukile.

Se nditshilo ukuthi impendulo yam yaba ngama swampalala endinge-namkhondo wawo; kodwa intetho leyo yayingathi yenje nje: "Zihlo-bo zam,—mzi wenkosi, la magama niwathethe ngam agqithile, andifanelwe naelinye lawo; andililo gora, kuba andizange ndilwe nto, namfazwe kwathi ni. Andiyiyo nkokeli, ndingasayi kuze ndibe yiyo. Bantu bakowethu ayincedi nto into yokuba sibulalane ngezixwexwe zezibongo sintyontyelane amakhwelo apha kungekho nto, siya bulalana ngaloo nto, senzana izifombo emiphefumilweni, kuba umuntu yena uthi akuba la makhwelo abe kukho nto ithile ayenzileyo, ize loo nto imenze isilima ngengqondo,—ubulima obulusizi obo; kuba fungaphezu nako nokukhasa ngezandala. Ndikunqwenela kakhulu mna bantu senkosi yam ukuyekwa ndizihlale, ndife lilolo, ndingene nje emxukuxeleni womzi wakowethu mhla ngeduli."

Andazi ukuba neyaba yimbutho enjani na leyo ukuba ayengetho amaŋolo-ŋolo amadodana akowethu endasuka nawo ekhaya, iinto zona ezayolisa apha kwatsho kwasitha,—ziinto ezathi ukuphendula zisaleka umsundulo kumazwi am, zatsho zawahlamba loo mazwi am amfiliba, atsho aqaqamba ngokwe Khwezi lomSo, ndaqala ngoku nam ndanga ndingaphakama, ndimemeze ndisithi "He—ke be ndisitsho ke kanye!"

La manene mahlanu ke ndandihamba nawo, ngabafao abangenakumbi, ngabanumzana bakwali Zwi; kukho abafini abangabalimi abaqo-kozekileyo, beneefama zabu; owesithathu unemfundo enzulu nengqondo yemvelo noko angenabuhlanti; omnye ngumfo oqhelene nedolophu nezawukawu zayo, naye akanasonka kwathi ni ngasemva, kodwa loo mfundo yakhe yasezidolphini isisonka sipelele. Owesihlanu yindoda engumVangeli webandla lakowethu, iliZwi ilamkele se iyindoda nje, se ikade izathuza ezinkundleni zesiXhosa, iyinto ngoṣunto kwelo cala yabe nokuvumisa yayikhe yaanako. Nangokwezithomo amanene la ungathanda akungegxezi nto.

Sitsho kwada kwasa sikule mbutho inkulu kunene; sandula ukuya ngeendawo zethu, emveni kokuba ithiwe goxo kuthi yonke ingenelo yobo busuku, kusithiwa sinikwa amafutha ukuze singaxwesi endleleni, kuba uhumbo Iwethu luselude. Kuphindiwe kwaŋolozwa ukubulelwana.

Imini le asiyivanga yimindwakele esaze kurnfimfitha izinto ezingaba zisasalele zasema Xhoseni; kanti emva kwemini sisalindwe kukujikele-ziswa siboniswa izinto ngezinto zesixezi esi. Into yona yokudlula, ngolu suku, siye apho sisinga khona ayibekwanga nokubekwa apha, phofu se belapha nabaze kusikhawulela bieo zwe siya kulo, nabo se bethe thwanga ngulo mjikelezo wasedolophini siengenaxhala langase-mva, ngokwemvumelwano yedolophu le nekhaya labo; kuba le mpi ingabasebenzi apha kwesi sixeko inkoliso yeyleo zwe siya kulo.

Kwezi ntsuku zimbini silapha kwesi sixeko umfundu akayi kukholwa xa ndithi, ndibone mna se singabantu balapha, se siwabambe onke amasefe omsebenzi walapha; ma ndithi ndiqale ndafona ngephephela eliphambili lalo mzi, eliphuma yonke imihla, se liphuma noxwebu lwentetho ebalwe ngomnye wethu, yaye ibonisa abanini balo mzi iindawo ezithile eziziziphene empathweni yayo ngakumzi oNtsundu, yatsho ibeka amacebo angalungayo nakubaphathi nakubaphathwa; ebonisa ngendlela yentlalo neendawo ekungahlangatyewana kuviwane lula ngazo. Ndibone se simelwe kukuseka uManyano Iwama Dodana ngolondolozo lwemali, nolween Tombi ngemfundo yokuphathwa kwamakhaya; ndibone ngathi se siphethe imvuselelo ngamandla, nozilo ngokunjalo.

Ndibone se sifikelwa yincwadi evela kwisibonda sedolophu (*mayor*) isicela ngembeko ukuba sihlangane neBunga ledolophu, malunga nalaa ncwadi iphume ephepheni, kufonakala ukuba iBunga likholiwe yiyo, lacinga ukuba lithuba elihle eli lokukhe liyisompe kunya nathi.

Okunene seenje njeya siliphahlathi lamadoda asixhenxe sibathathu thina abasemzini, isine ingaweli lizwe, kuba yonke into esiyenzayo yaise ingathi ihla phezelu. Sivena neBunga kwada kwathi ncum, sangakudala sisazana, amkeleka onke amacebo encwadi yomfo wasema-Xhoseni. Salenza iBunga ukuba likhuphe isiza esinobom, saakhe apha izindlu zomanyano esilusekileyo lomlisela nomthirijana, lenze amakhaya amahle okufikela aabo beze kufuna umsebenzi, kufe kho neeofisi zokufuna iinkosi, nokufuna izicaka. Abaphathi bawo lo mzi ife ziintokazi, nabafao aba Ntsundu. Isiza siye salathwa kwindawo ekufuphi nempi eNtsundu, malunga ngaphandle edolophini, kuba kuthiwe nolimo luya kusetyenziswa kuyo le ndawo, lufundiswe. Into eyandinandiphisayo kukubona ngawam amehlo, isiza sendlu sisalathwa kanye kulaa ndawo ndandijingsana kuyo namapolisa. Lathi kanye eliya polisa liNtsundu lalindinxhamele lenziwa umgcini wempahla yolimo, ngomvuzo omhle kunene. Icalal emvuselelo nozilo latsho ngeziqwenga abatsho abemi felizwe elo boothuka, fooyika, kwasinda imiphefumlo emininzi.

Sidubule iintsuku zosixhenxe kwesi sixeko, nzima, kwanga kufike isaqhwithi somoya, zaphethuka izinto zalala ngandela zimbi; zathi ezo ntsuku zisixhenxe zanga ziinyanga ezisixhenxe.

Kwaphunguka iifafu ezithile, kwangena iimali ezinkulu kumzi oNtshundu, zibuyiswa libunga, ledolophu, kwavela imisebenzi emihle yamadoda naabafazi, yaayintaphane, yaazizigxina kanjalo.

## ISAHLUKO VII.

### KWINTSUNGUZI YEZI-GEBENGA.

#### EMGUDU.

Se sitshilo kambe ukuthi side saqhawula ke; oko kuqhawula sijike ngoku siphuma nejola apha phakathi komzi, inxyene ihlabé ngeenyawo, afanye bakhwele amahase eqolo, fekho aabsa bawanxisé ezinqwelanen, nasezikarini; abanye ngawabo, abanye bewaqefile. IBunga leDolphu nalo lifake isandla esisusu kolu hambo, kuba likhuphe iikari ezimbini ezinkulu, kune naabaqhubi bazo, zaye zinamahase azo, akwasalwa nazintsuku zakubuya kwazo. Ibe yenye into endenze uvubukululo le yokuphuma kwabantu kangaka kune nathi, saye sisazi ukuba abantu bakhwethu bangafumane bafiyé bona nemisebenzi yabo, semke negugu lemini enye, baze babuye ngokuchithwa ezindaweni zaabo abasebenza kuzo. Okunene loo nto ndide ndakha ndayivakalisa; kuloko sibe sincinci kakhulu isiqhamo soko kuthetha kwam, usuke umntu wakhona wanyanzela wahamba.

Kulaa ndawo ndandijingisana kuyo namapolisa, mhla mnene, kwintlanjana ekuthiwa kuseZimba se nditshilo ukuthi ndise novuyo lokusona siseka apha umzikazi omkhulu wemfundo yezinto ngezinto zosapho lwakowethu nosel' uthe waaluncedo ngokuvula imisebenzi eliqela kwaabo basengenandawo kakuhle zomsebenzi; se kusakhiwa nkqi, zibe ezinye izindlu ezazilapho se zithengiwe.

Upumile ke lowo mtyululu wabantu; into obungathi uyibonile ude uthi ma kuba ingqonge umntu othile oyinto esizweni asiso. Sihambé sahamba sada sayu kuthi thu kwintsunguzi leya ndandiza kugetyengwa kuyo, kwintilikazi ebrisaziwa ngegama lekuba kuseMgudu. Koko namhla ndise kusuka ndisithi thala-thala ndikhangelaa ntshinyela yentsunguzi, hayi akwavumeleka ukucaca,—ndisuke ndaphikela ukuthi ntla kwizindlu ezakhwe ngohloso oluhle kunene, lwelli xefakukulo; ndise kuliphosa ngapha iliso ndathi ntla ngehlathikazi elihle kakhulu

lemithi etyaliweyo, neendlela ezipahlwe kwa yimithi etyaliweyo,—ndize ndithi ndakuliphosa ngaphaya kuse kwa yiloo nto; ndize ndithi ndakuhlisa intlambo isuke yonke loo ntili ibe sisithongó-thongo esimnyama esikhazimlayo sezilimo. Isuke le ndawo yaantja, yabukeka, ayaba yiyo leya ndiyaziyo.

Ithe kanti le ndawo ngoku se iyindawo yemfundo. Lo mhlabá wathengwa libandla elithile lonqulo, laza lavula isikolo salo aphi, kwaakhiwa nendlu entle yenkonzo. Ngaphaya koko ibe zizindlu zabafundi, abafefundiswa ukulima imiqaphu, nokuyichaza, nokuyisonta, nokuyiluka. Imithi yokwenza izitulo ezilukwayo yayilinywa kule ntili, zilukwa apha ezo zitulo, neengobozi, neminyazi. Kwakukho neentlofo zezincha ezilinywayo apha zifundiswe iintsapho ukusetyenziswa kwazo. Apha kwakuhlanjwa nofoya beegusa, nobeebokhwe, bucha-zwe busontwe Guphothwe, kwenzive izibalala nemibalo, neebulanekte. Izikhumba zazikho nazo zisetyenziswa ukwenza izihlangu. Ezi zinto ke zonke zazisasetyenzwa nzima, kuba kwakungekho mafini wakuzenza zazisetyenzwa ngeminwe, neemasinana ezincinan.

Sithe kwa sisaya kulo mzi safe se sazisiwe ukuba asisayi kufumane sigqithe, siya kukhe senze nokuba lusuku. Kwalile ukuba siyiwele loo ntlambo iphantsi komzi, imanzi amnandi kunene, sahlangana noludwe lwaqala olukrozisiziweylo lwaqala aphi, lwalla lwaya kuthi nqo endlwini lusipahale ngamacala omabini endleleni, umgama osisisiqingatha sesine semayile, omnye emi isithuba secyadi ezilisumi ukusuka komnye,—ingamakhwenkwe neentombazana. Sakuba sifikile ezindlwi, sisemi phandle, sifundelwe intetho yokusamkela, ese izele ziziganeko eziile, esithe sazenza edolophini phaya; abatsho besithi baya themba ukuba asisayi kuba sema nganeno kwazo, siya kwenza umjugwane nomtyutyumezo ongasaghawuke ndawo side siye kuma ngolwandle. Siphendule nathi ngamazwi okuncoma umsebenzi omhle owenziwa apha, esiwuvayo, noko singekawusoni kuya phi, saye kodwa sinqwenela ukuwazi ngokungaphezelwana.

Sakuba sikhulule, sayu ezindlwini zomphungezelo, sajikeleziswa umzi lo siwusona, imijelo, amadama, izityalo, izilimo, izakhiwo nama-xabiso azo, inkcitho nengenelo yonyaka. Sakuba kaloku siyivile yonke into, sithe saqonda singaxelwanga ukuba la madoda athwele nzima kakhulu; kude kwaanzima nezinto zokuxhasa intsapho yawo, nezokunxiba kweziq zavo. Amadoda amathathu kula aphethe umzi lo, sifika eneenjombe (*summons*) zakomkhulu ngamatyala; sisiza nje thina namhla nje, siza se kusezinctsheni zokuba lo msebenzi uvalwe, ueykwe, kuba awunaluncedo luvela ndawo,—uGulumente akavumi ukuwunika inkxaso yakhe, nangani phofu wayekhe wada wathumela ichule

lakhe lokuza kuwukhang-a-khangela inkqubo, nesimo sawo, lemka lin-gathi liya thembisa ; kwaBa kuuphela oko.

Sixelelwe ukuba kuthe kwakubon' ukuba be kunzima kakade ukuxha-seka komzi lo, kwaqokela kwasweleka indoda ebilixhanti nomqolo wawo lo mzi nalo msebenzi, ngenkxaso yeemali zayo, ilifa layo laabhiwa phakathi kosapho lwayo ; ekuthe kanti nayo ibingathabathi ntabalaleni yalutho. Intsapho eNtsundu elapha kulo mzi siyixelelwe ukuba ikuma-khulu omafini ; phofu ngekuba elo nani liphindwa-phindwe kahlanu ukuba izinto zife zilungle, kulo kubi, akukho nokwandiswa kwegu-mbi elinye, nakwezokuhlala nakwezokufundela izindlu.

Senzelwe imbutho emnandi kunene ngoko kuhlwa. Ewe, yaamnandi yaalusizi kanga ngoko siyivileyo intlalo ekumi ngayo, engumngcipehko. Siqonde ngabo obo busuku ukuba abaphathi balo mzi, abona bakhulu bobabini, yinxalenye yalawa makhwenkwe ayemkrozisele iintonga endleleni umfo wasemzini.

Ihle yaphuma imbutho emnandi kunene, sasala sisenza ingxoxo ngezinto zokuma kwavo lo mzi. Indawo yokuqala etha yafunwa ukupondwa ngabafo basemaXhoseni ibe yeyskuba, eli Bandla lingavuma ukuwunikela umzi lo walo ukuba ubi ngowentlanganisela, ungalungi nahlelo lithile ? Ekuseni amadoda ephendule egameni lomzi wonke, esithi kudala ayivumayo loo ndawo, oko ungayi kuma umsebenzi lo. Nangoku ke umzi lo uya vuma uvuma ngothakazelo. Kubuziwe kuwo ukuba kungensiwa nto ni na ukuncedwa kwavo ?

Athe ukuphendula, akanasigqibo namvumelwano yakuba kungathi-wa kuthiwe, ukuze avume ukuwunikela kwezinye izandla umsebenzi lo. Kubuziwe ukuba ebengathanda ke wona kuthiwe ni na, kukho ukuthi kanti inkqubo le yawo ebesel' ethanda iphungulwe, okanye ihlonyelwe, okanye konke be kusalungle ? Aphendule ngokuthi yonke into ibisalungle, nabaphathi, nenkqu yentsebenzo,—into isenye embi, kukuhla oku kwezinto. Atjho esithi ebengakuthandayo nokuba kung-aguzulwa namnye kubasebenzi ngaphandle kokuhlonelye wa-abangathi baBe banamandla kunafo, ebengakuthandayo ukuba nakwizinto ezifundiswayo kuhlonelye endaweni yokuba kuphungulwe.

Kungenwe ke ngoku ezigqibeni, emva kokuba unyha-siwe kakuhle umsebenzi lo, neengcanjana zavo, nebalu lawo-laa mhla wasekwa, kwin-myaka elisumi eyadlulayo. Liphume elangomso ilanga kumi ezi zigqibo zilandelayo :—

- (1) Lo mzi uya pheza ukuba sisikolo sebandla lasekuthini.
- (2) Ukususela namhla nje uya kuba ngumzi wentlanganisela ya-santu.

- (3) Umanyano Iwama Dodana olusekwayo edolophini luwamkelela kulo nje ngeSebe lawo.
- (4) Akukho zinguqulo ziya kwensiwa empathweni yomzi lo ngaphandle kwezo zokuchuma kwavo.
- (5) Kufumanek kulungile kanye ukuba apha kubeho uGqira kumiswe nomzi wokunyangela abafayo (*Hospitile*) kuze ke ngoko :
- (6) Kuhlonelye kwa kamsinya nje iSebe lemfundyo " Konga " (*Nursing*).
- (7) Ma kubalelwae ngoku nje kuGulumente anike inkxaso yakhe kwezi zinto.

Siwujiye lo mzi ukobo bumanandi. Ngakumbi sakwenza ukuba amadoda lawo aphethayo ayifumane ngelo phanyazo imivuzo yawo, ukususela koweenyanga eziiduleyo ekubeni sel' enesiqingatha sonke somnyaka ephila ngamathe entamo iya kulandela intlawulo eseleyo. Sithe simka kwabe kungathi be kufike abantu abathunyelwe phezulu, nje ngoko fabesitsho bona ngokwabo.

Seenje njeva phakathi kwemikhwazo, nemigcofo, nokuduma kwe-mpo yalo ndawo, sada sathi tyi sipelekelwa ngemihlali noo "Huntsu Ewe, nam, mna kanye, mna ndoda izifisona kade izinto eziidolu hlobo, ndivakele ndisitsho ukuthi : " La madoda ziinkankathela zamadoda, afanelwe kukuyenza laa mivuyo." Ndakuba ndicinge njalo ndikunqwenele kakhulu ukukhe ndibe ndedwa,—ndikhe ndikhuphe esi-sigqu sisemphefumlwani wam,—ndikhe ndilile kakhulu, ndithandas-ze. Koko nakuleyo andisanga nathuba.

## ISAHLUKO VIII.

### KUMZI WEBULU E-ZUBA.

Siqhusi kanoBom namhla nje sifunzele ukuba siye kufika ekhaya singanqanda-nqandwanga lutho. Yaye nemizimba se ikufuna kakhulu ukukhe iphumle, ngokungakumbi umzimba wam, womfo wangaphandle, ongaqhele zawukawu, naziwem-wem. Kuthe kanti hayi, nana-mhla nje asikayi kufika ekhaya.

Kwalile xa sikkanti-zitjhile, kanye kummango ekwakuthiwa ngum-mango kaSiganga, loo mmango ke ngulowa ndabona kuwo iinkunzi zeencinisa zisilwa, ukuze zithi zakundithi mandla, ziyiyekie ingxabano yazo yezinto zekhaya zikhumbule kum. Wokhumbula umfundis ukuba agho ndaya kulanyuelwa lucingo olunameva, ndazigisela

tyuhu kulo, ndaya kuzilahla kwisicithi esathi kanti sineramba. Izithuko zamaBulu, umfundsi akayi kuzilisala kuyo le ndawo—nendlela endasinda ngayo. Yimihlabla misini ke leyo; kukho isango apha, esithe sakungena kulo ndeva kusithiwa “ma kukhululwe.”

Okunene kwakhululwa apha, phofu, andafona nento etyhulu eku-khuluelwa yona, kufumane kwahakazwa nje kubonwa lo mhlabfa nam ndimana ndisalatha olwam uhambo lwamhla mnene, imixawuka endehla kuyo ngokoyika iinciniba, nalapho iramba landiluma ndifumane ndaziphosa khona. Le ndawo yayisenje ngoko yayinjalo oko; ixesa lalingekaguquli nento kuyo: eso sicithi ndandizophose kuso sasisekho, saye singekude emendweni; neenciniba zazisatya kuyo loo ndawo, koko namhla nje sasingazoyiki nganto, ndingade nditsho nokutsho ukutsh' ukuthi zizo endicinga ukuba zazisoyika thina, kuba sasingumkhosi.

Kuthe xa kubotshwayo ndeva ilizwi eliqinileyo elivela kwa lapha emadoden i lokuba kungafaneleka kuthe kwamiswa indlu yeendwendwe (ihotele) apha, ibe yefanelekileyo kananjalo, kufe kho nevenkile njalonjalo. Ndithe ndakuBuza abaxhasi fezi zinto ukuba sangaba phi na entlango apha? Kubuye impendulo eseyilungiswe yaciciyelwa, isithi le mihlabfa inokuba ithatyathwe yomisini, kucandwe iziza apha, kumiwe, ibe ngumzana; kuthe kutshiwo wabe sel' esalathwa nonocanda ekunokuba kuyiwe kuye, acande iziza apha, nomphathi walo mzi weewndwendwe ndibone ukuba sel' esaziwa kwa phakathi komndilili lo wethu. Kutshiwo kusithiwa le nto ke yonke inokuba ibe phantsi ko Manyano loluTsha olusedolophini.

Siqhufile sahamba singulowo mdilili. Inxenyenayiphatha kujikaphuthume imisebenzi yayo kwa sedolophini; ithi naloo nto ingaphunguli nto, kuba izimpi eziya zingeneleka apha endleleni zazingaphezulu kwasajikayo. Kuthe kuuphi, ekumkeni komhla, ndafona umndilili osuphambili, usaphuka ngokunene, kanye kweliya thuba ndaphambuka kulo ukuze ndikhawuelwe ziinduna ezimbini zezinja ezinqugwala zeBulu.

Kuthe kwa sekuphambukeni kweli thuba ndaphawula inkqubelaphambili enkulu kulowa mzana weBulu; inkqu yesango eli lidibana nomendo, ndafika liyenye into, kunjalo nje ukozo lwemithi lupahale indlela kumacala omabini kwada kwesa ekhaya. Andisanga naku-nceda ukungayicingi into yokuba, ukuba le mithi yayise ikho oko nge-ndasuka ndakhwela komnye umthi ndazinqabisela izinja akwaba kho nkathazo. Sithe jike-jike kambalwa sagaleleka kulowo mzi,— safika kumzikazi omkhulu, nozindlu zaguulwayo, azisezizo eziya ndandizazi. Sifike kuphithizela abantu apha, fembhlambi wantaka, baye phofu

bebbonakala ukuba ngabantu galoo ndawo. Into etha yaphawuleka, apha ngofuninzi lisundu, waakho kakhulu lo mthi, wenziwe kakuhle, nathi nje ngokuba sifika nje, sifika umzi lo uphinyelwe ngamalaphu amahle anesundu.

Ngowanto ni ngoku lo umzi? Uza kuphangaa abuze atsho umfundsi; kwa nje ngokuba nakuwo lo mndilili wethu baba saninzi ababuzayo ukuba “Kusentweni ni na ngoku?” “Kuphi ke apha?” “Ngunzmi wanto ni ngoku lo?”

Le fama yathengwa kweliya Bulu lilungleleyo,—nakuba se ithengwa kwintapho yalo, ngumntu omnyama, ongumnakwaabo foTokazi omkhulu, waza xa sivayo wazimisela ukuyihlaziya ayenze ntle, zithi nezindlu zenziwe ngokutshha; ingabi bubuhle obo bodwa, koko kuse kuo nomsebenzi oqhubekayo kuyo.

Into yokuqala ayenzileyo lo mfo akuba ewuthabathile lo mzi, kuthiwa iibe kukutyalwa kwemithi nje ngoko sasisbona kunjalo, weenza nama-hlathi, emva koko ungene ekuyileni izitena, wayifundisa loo nto, kweza nophi, nophi ukuza kufunda ukwenziwa kwazo, nokuqingqua kwamata-tye nokwaakha ngawo. Enye into efundwayo kulo mzi, kukoja izikhumba, nokuzisuka, nokwenza izihlangu ngokwalaa ndlela indala yama-Bulu yezihlangu zexhoja.

Inqokelela yabantu aasa balapha ithe kuba ngabantu abakhutheleyo basemaBulwini, bazama ukumisá izinto ezintle nje ngoko ubazi ngako. Inxenyenayiphatha kujikaphuthume imisebenzi yayo kwa sedolophini; ithi naloo nto ingaphunguli nto, kuba izimpi eziya zingeneleka apha endleleni zazingaphezulu kwasajikayo. Kuthe kuuphi, ekumkeni komhla, ndafona umndilili osuphambili, usaphuka ngokunene, kanye kweliya thuba ndaphambuka kulo ukuze ndikhawuelwe ziinduna ezimbini zezinja ezinqugwala zeBulu.

Sithe sakufika ekhay' apha, akhululwa amahase afakwa ezitalini atyiswa; nathi sisiwe ngeendawo zethu, safelwa izindlu saanela noko siyiloo ndimbane. Sithe sakuphumla kuhle, sakukhova nokuzihlaziya malunga nokujika kwelanga, kwafotshwa awalapha amahase, sajikeleziswa umzi, siwuboniswa,—amadama, imijelo, amasimi, amahlathi atyelwego, imiyeye, iinto-zini nanto-zini.

Siboniswe iindawo ekwenziwa kuzo izitena, nencha ezidityaniswa nayo ukuze ziqine; siboniswe iindawo ekumbiwa kuzo amatye apha aluhlobo oluthile oluhle kunene ekwakheni izindlu zamaxabiso. Zisan-lise kakhulu izinto esizibonileyo ekhay' apha, noko singeze sitsho

ukuthi zezodidi oluphambili, nempahla yokulima yayisafuna ukuhla-ziwa ibe yentsa,—umhlaſa wokulima wawumbi kanye wona ; ulurexe, ufuna ukusetyenzwa kakhulu. Inkoliso yezakhiwo yayiyeyohloſo oludala lwamaBulu, nabantu bethetha sona ikakhulu labo : into yasezinzwadini yona ibe semva kanye. Kuthe noko zikhoyo ezi ziphene, sazincoma noko izinto esizibonileyo, sakucinga ukuba ngamalingana aabantu abaNtsundu biebodwa, Bengancediswa bani, benjalo nje bengenayo namfundu iphi, abe amalanga nokunqaba kwezinto, kwenze inzwinini enye, yokubuyisela emva naabo be kuse kusithiwa ngasaphumeleleyo.

Sithe sisazicingela sisedwa, sabona ukuba ma kuzanywe kwa elezolo, elokuba le fama ma ithengwe kweliTſhawe (kuba wathi kanti ngumfo wasemaTſhaweni umnumzana lo), yensiwe omnye umzana olisebe kwa IoManyano loluTſha, olusekwe edolphini ; kuloko ngenxa yale imizi se siyihlomele sibe nobuthovu, sanga se senze kakhulu lungekazandeli ngokwalo nangentsebenzo yalo uManyano.

Kuthe ngobo busuku, endaweni yembutho enengoma nemidlalo safakwa engxoxweni, kanye malunga nezi ndawo be sisazicinga zoku-wuqhubela phambili umzi lo, saye nathi siyithanda, kuba la madoda ale ndawo ayekho kakhulu, ephume ngendlu kwada kwaphuma nasezinqothweni,—yaye eyona nto yasitsala ngaphezu kweento zonke kuwo, kukubonakala ukuba aphile qete, ngemixhelo yawo akanasidlanga salutho kulo elo cala, aye ebufuma-fuma sakujonga.

Asenzanga zindendeleza nathi ekuthetheni kwethu nawo, sithe sazama ukubonisa ukuba inkqubela le yinto ephuma ekhaya, iqale isebeenze khona ngakumbi ke kulo mzi, kuba se uqhubile kade ; ngoko ke ma ithi iyileyo indoda, incame into yayo, eyona iyinto, kuze kuthi kucinwa kubé kucingewa phezu kwento. Sithe ukuba sitʃho fasiva abafa baseZuba, (kuba yayilelo igama laloo ndawo), kunjalo nje abasiva kakubi.

Bute bungayanga phi ubusuku yabe indlela se imqengqezezi, se kukhanya ngaphambili ;—kuba kubé fusu kwa kwityeba lokuqala, ngokusuka eyokuqala indoda incame iinkabi zayo zombini ezibotʃhwā emva (*astros*). Elandele leyo indoda incame iinkabi zayo ezibotʃhwā phambili (*foros*) zombini ; elandele leyo incame ikari yayo, namahase ayo omaſini ; esemva kwaleyō isinge kwisiselana sayo semali, yeza naamafumi amahlau eeponti (£50). Atʃho, atʃho lamadoda, egilana ſume, phofu ezelile, sothuka nathi se senzakele, kuba kuhamba izivu-the-vuthe ezitʃhayo nazō ; yini le ! Imali se ikumawaka omaſini eeponti (£2,000) ! Sithe siya lahla ukwahlulelana kobusuku yabe imali ekhoyo ikumawaka amathathu eeponti anekhulu leeponti ngapha-

ndle (£3,100). Kwaye kusathiwa kukho amadoda angabanga kha, asaya kuhlatyelwa, kwaye kuthenjwe lukhulu kuwo, Siye ngeendawo zethu zokulala, ukuze sivukele entlanganisweni ngengomso.

Kwalile emini yakusasa, malunga nentsimbi yesumi, yaphinda intlanganiso yadibana, yeenza ezi ziggibo :

- (1) Lo mhlaſa uya thengwa luManyano loluTſha oluBotwe lalo lusedolophini eZathuza, ukuba ube lisebe lwalo.
- (2) Kwingenelo yawo lo msebenzi indoda nganye ethe yarola uluthapha ma ibuyelwe lulutho olo lwayo, lube nenzala ukuba kuya vumeleka.
- (3) Abasebenzi nabaphathi bomsebenzi kanga ngoko kunokwenzeka ma ze banyulwe kuyo le ndawo, ngaphandle ke kweencutſhe zona, eziya kufunwa phi na phi.
- (4) Injongo iya kuba kukuhambisela phambili le misetyenzana se isenziwa, kuhlonyelwe eminye, ngokwanda komsebenzi.

Ithe ukuphuma kwayo le ntlanganiso intle kunene, imnandi, imfutſhane, safse se singa singabopha kuba kwakuse mgama apha siya khona. Sithe ke ngoko siya sithi relekqe isidlo sasemini, kwasfe se kubotſhwe kade. Umnini wale fama usivakalisele ukuba sel' ethethene naſanini beziya iifama zaseSiganga, zihlangana kweliya nxowa leſamba neenci-niba kulaa ndawo yayibonelwe ubuhotele ; utʃho wathi se kufuneka nje ukuba benze iziqqibo zentengiso nentengo ezibaliweyo. Ithe impi yamkhuthaza kunene, isithi ma kangabi salibazisa, akukho mfuneko yokuſa lo mmango mhle kangako uyiphose.

## ISAHLUKO IX.

### E-MNANDI.

Ithe ukuphuma kwempi namhla nje, yaphuma ininzi yada yaphithi-zela, kuba lusuku ekuvakeleyo ukuba siya kungena ngalo eMnandi. Imini ihle yafonakalisa ukuba noko ayizi kusoloko intle, abengade omnye alindele neendudumo nesichoθo. Bathe abavela eMnandi apha sababona se bekwalapha naabo feze kusikhawulela, bekhwele iikari namahase. Ithe impi evela eBotwe yehla ingumkhosi okuko-kwayo,—yaye isithi akusahlaleki esixekweni oko sathe sadlula. Ithe impi esuka apha eZuba ayaba mbalwa nayo okukokwayo ; siziſiya ke iinto esidibana nazō ngendlela esezimkā nomkhukula wesihohela esiya eMnandi. Yaye le ndawo yaseMnandi siyiqonda ukuba ifalulekile kuloo mimandia kuba uba ngadibana nalo uve esithi likhaya lakhe elo kanti nomnye kwa nomnye.

Kwalile xa ilanga liphezu kuentaba, savela emzini,—sawufsona ngamehlo ukude kufuphi,—isithuba singaba yimayile nangaphantsi. Kuloko wenna ! Izulu alibanga savuma nantwana ukuba sifike kakahle. Kusuke gqi ! isiphotshongela sesaqhwathi,—yatsho loo nto ngesivendoviya esingenacala, kwaqhuma uthuli, kwaamnyama kwaalunchwazi phambi kwexesa,—yayinkohla kaloku nokuhambelo phambili ! Kwafumana kwabophana iikari, namahase, nabsantu ! baye bengakanani bona aabo bantu ! Imikfozo yabsantwana bezikolo ebikfroziselwe thina,—befodwa abengoma nabaphathi bafo ! Iyodwa impi le ibisananazela ifuna ukutshayelela umfiko,—agilene eenje njalo amahase, eqhawula sume, aya kufika phakathi komzi, kwafsonakala ukuba ngoku le yejona ngozi !

Umfundi uya kuqonda ukuba side sabona ngathi se sifikile emzini, EMnandi. Njani ? Ngandlela ni ? Leyo ke imibuzo asiyiyo engaphendulwayo,—ibe yile nto kuthiwa ngama bona-ndenzile. Safikela phi ? Entweni ni ? Ezindlwini ? Nakanye. Naleyi imibuzo kungaanzima ukuyiphendula, kuba asifikelelanga ndawo, sifumane saazndlakadla ezithe saa ezingazaniyo nokwazana, eziphepha ihaje eliholayo eziphepha into ewayo, eziphepha ukugilana.

Kaloku umzi lo wawumiswe amaqonga ngamaqonga ezhombiso ; zawohloka zajuja kude ezo nto ; kwakumiswe neziganga eziya kuthi izithethi namaphahlathi azo zime kuzo ; kwakumiswe neziganga zabavumi,—yonke loo nto yajulewa phaya ngumoya, yajika ngoku yaayingozi. Kuthe kuloo ntlavushele avakaka amazwi abafazi belilela abantwana bafo ! Zithe izindlu zamacangci eziye zisathiwe gabu ukwakhwa nokufulelwa, zayingozi embi ! Amacangci adulula kabukhali ebetheka ngamandla phantsi !

uya kuqonda umfundu ukuba iimbiza zaziluludwe phandle ! Ngoku amahase ehla enyuka engenabani,—iikari zizingceba, ezinye akukho nethemba lokuba zingaze zibuye zinchibeke ! Nguqkulubodwe womntu, nehase, nembiza enokutya phakathi ! Sikhawuleze ngoku sakupha umthetho wokuba ma kuhlaliwe phantsi, athi okuloo ndawo afe kuloo ndawo, sakupha amadodana okufafunqula abaphose kwizindlu ezingathi ziqinile. Kwakha kwensiwa leyo !

Iinkomo be kuxa zisondelayo emakhaya ukuba zigoduka. Uthi zathi ni ke ? Ibe yenye leyo yenye into eyothusileyo, kuba zisuke zathi ngoku ukuza kungena emakhaya zeza ngent'emb ! Ziwanqel' apha amatshoba ! Zanga zonke zinosinga ; zaye zigxwala zenze into embi ! Ezinye zabambeka kwezaa ntambro se zinamahase ngamanye ! Yaangomnye lowo uqukulubodwe,—iinkomo, namahase neentambo yini le !

Umhlob' am ofunda le ncwadana uya kuqonda ukuba aabsa bantu bawkesi saqunge abazani, be bengekafionani nangeliso, be kuhonjiwe ; kodwa ungaba satsho yini ngoku ? Naphakade. Kuxa ngoku se sizinkono-nkono ongeze uzazi,—iinjimbilili ngeenjimbilili ; iintuthwasi ngeentuthwasi, inxenyi iyophisa, koko alikho nelo lokophisa ithuba,—kwaazinduma, kwaazingongoma, kwaamanxesha, yaangamayeyeye, namankenkenke ! Eliphambili umuntu esithi, " Namhla nje kuya gwetywa ! "

Kuthe kuselapho—Gqi ! kwavela eyona ngozi ngoku etsho sonke sema, ngezintya be kungeni kade ! Yinto ni na ngoku ? Ngumlilo ! Kuthe kanti kwesi siwunguwane ulityelwe umlilo ! Zaphethuka izikhuni ngumoya,—zaqhuqhumba iintlantsi ! Zavutha izikhuni, ahamba anwenwewela amadangaty, abamba izibi, afumanana neentango ! E ! Uthe uyothuka umuntu woothuka umlilo se usbambe iindawo ezingamanda. Yeyona ni kaloku le ?

Uthe omnye ukothuka, woothuka wakhupha impahla endlwini, naanko eyijulela phandle ! Omnye okwakhe ukothuka, wothuke wathabatha ebiphandle into, wayijulela endlwini ngaphakathi kufa emangal' ukuthi umlilo naangu ngaphandle ! Waye okunene se ufumane waalichweba phakathi kwekhay' apha ! Ube umoya ungekathembisi kudamba, nobusuku se funxhamile !

Kufumane ke kaloku ngoku yaanguphuthu-phuthu ongenacala ! Yaanguhiki-hiki. Yaanguhintsi-hintsi ! Silwa nolu tshaba lohlanga lonke lungumlilo ! Arawuka iindevu namabovu awo amahle amadoda. Atsha imisebe namasiyi afumana aziintwabane ! Adyunguka iinyawo nezandla nezanddu, kwafumana kwaayiloo nto ! Akwemiwa noko, kwabilisiba, kwamiwa sume kwasetyenzwa kwalliwa, yini le !

Kuthe kwa phakathi kobo banxanxa kwavakala ilizwi lomfo likhala libuza lisithi, " Ngabantu baphi n' aabsa ! " Uvakele omnye wethu esothukela phantsi esithi : " nKosi yam-siza kusulawa ! " Kwesi sithuba amadodana enziwe aamikhosi misibini,—waakho lo ukfrozileyo ukusinga emlanjeni ukaza namanzi ! Waakho lo weenza udaka, umana ukutyabeka emalangatyeni apho ngodaka olo, nangeenxhowa neziziba ezimanzi. Atha kanti aya phulwa njalo amandla omilo ; kuthe kungekudala litshonile ilanga wafe se woyisiwe, nomoya se uthasathe ukuthi bembe.

Iqalile ke kaloku ngoku impi yazama ukusa izinto ngeendawo zazo, ezo zife zinokusiwa kwesi sithuba. Kuzanywe nokulungiswa iindawo zokuphumla kwabantu basemzini, kuba babovelwa kakhulu ngesi siwili-wili bagxilelene naso ; baye abantu basemzini nabo bewuvela umzi lo ngokusebenza kangaka ngenxa yabo.

Zawa ngokuwa ke iintetho zabantu emva kwale nto ! Wathi lowo wakhupha olwakhe ulovo, wathi omnye wabeka eyakhe ingcinga ! Kukho abathi le nto ngumhlola,—ihlola into eza kuhla ! Bekho abathi le nto lithumelo, be kufunwa ukuba yonke le nto ilapha imonyane iwelwe zizindlu, itshe nayimililo, ifele ndaweni nye. Kwakukho nabathi iΣologu eliKhulu lichitha ezi zawukawu, alizifuni ; kuba abantu baqhele into embi, yokudumisana boda apha emhlaßeni, Bengalidumisi lona. Zazikho nezinye izazi ezazisithi zona ngamandla oNgedawo la, othiye kunene ukubukana koluntu, okholwa yena kukuba abantu ma basoloko besilwa, begrenyana ngokwezinja—uze ke ngoko ngengqumbo, nje ngoko weenje njalo ukuwisela oonyana neentombi zikaJobu ngendlu !

Zibe ninzi zaanjalo ke izimvo neentetho zabsantu ngayo le nto. Waye umothuko ophambili ingowokuba, "Kuya gwetywa namhla." Nathi sise nolwethu ulovo kule nto : Sithe thina, "Hayi sifumene owona mamkelo mkhulu kweli lizwe, into etsho zazama-zama iziseko zale ndawo !"

Sithe kanti sibula sisela nje kukho abathile abaphaphatheke baya kulala emixawukeni, nasemahlathini ; bathi kanti naabo abazani kwezo ndawo ; benjalonje naabo babula gesela kwa njengathi : Inxenyen kubo ithi yimfazwe ; umkhosi ongaziwayo uze ngamandla emakhaya, ukhwele emahaseni. Nje ngokuwa amahase ezintsali nje emimangweni phaya eqhawula ezikarini, kubo ke ngumkhosi osukela bona. Kokukhona ke baya semka ngokunye emakhaya. Umzi usitsha nje ngumililo, kubo ke lutshasha se lutshisa emakhaya abo, yathi loo nto yeenza ukuba kuwelwe imilambo enamagama. Okunene inxenyen yabonwa emva kweentsuku ezisixhenxe se ivela aphingaziyo nayo ukuba kuphina.

Kube kho abaphaphatheciswe yintsomi le yakwantsomi ! Kwaasa bantu bavela emaXhoseni, kukho amadoda amafini angamaZima. Ke kaloku ke ezi ntsuku asebindeleni, umntu kuuphela ulilisela "Ngomkhosi wamaZima ;" athi wumbi akhankanye "amagongqongo." Zibe zikho iinto ezi ziphikele ukuthi : "Kuxa ziphi na namhla ezi zidla-bantu zenu ?" Zithe kanti ezi ziqhulo zibe nolutho olufi ezilwakhayo kwezinye iingqondwana,—kuba amaZima abawazziyo bona okunene zizidla-bantu eziya bahlala seziva ngoonina-khulu ezintsomini. Luthe ke ngoku lwakuthi thu uk̄ozzo lwempi yasemzini, akuthi umntu : "Zavel' izidla-bantu !" ayandule ife nto yako ni noko leyo ; kodwa luthe lwakuthi gqi ngesambantlanya esilolu hlobo, yazaliseka into abefehlala seyiva ngoonina-khulu,—laba liya phela ke njalo ikhaya ! Wathi elowo wemka ngesithwakumbe, wangcacela engaphe—the lutho, esindisa lo-lo-lo untonga umphemfumo ! NGOMKHOSI WAMAZIMA

Uthe umoya wakuwisa imithi emikhulu endle phaya, kwakokukhona le mpi iqondayo ngenyaniso ukuba naalo olo thuli luhlala luxelwa lokuzā kwamagongqongqo. Ithe yakubona imisi, nemililo, yaqiniseka ukuba okunene akukho kuyithandaSuza le nto, umzi uvingcelwe zizidla-bantu. Kuthe kulapho ezindle yasulalana le mpi ngokothusana, kuba kaloku ayazani, ibingandulukanga kunye,—abaya babaleke imfazwe, ngoku bothuswa ngaba babaleke amaZima. Abaya babaleke amaZima bothuswa ngaba bemfazwe.

Phakathi kwaasa bantu babaleke izidla-bantu kukho novise kaZakade—indoda eliso linye, elinye lenzakalisa yiuluwa eselula,—umsindoké, yeka ! Nakule into usuke afune ukuhlasa abantu kwakuthethwa ngoku kusuba kwakhe kungaka. Phofu imbali yokutyhyuha kwakhe amahlathi nemixawuka yayibalisa nguye mhra mnene, ekubuyeni kwakhe, emva kweentsuku ezilijumi engekho ; sel' enqandwa kwadade wabo eCeme, phefa kweZitshangane.

## ISAHLUKO X.

### EMVA KO-QHWITHELA.

Emva kwasaphontsane somoya, novuthu-yuthu woqhwithela, nokutymka kweekari neenqwelana, nokuqhawuka kweentambo zamahase ; ewe emva kokwenzakala kwabantu bewiswa ngamahase emva kwemililo nokuqwuka nokutsha kwabantu nezindlu neentlanti,—kuye kusithi sembe, kwada kwaakho ukuzola okukhulu. Ngelo xesa ke kwakuse kusebusuku. Kubonakele ke ngoko ukuba umzi, ngenxa yokudinwa, ma uye ngeendawo zokuphumla, iindwendwe kunye nabasekhaya, emva kokuba kwensiwe umbulelo ofusu kuNdikhoyo ngokuthi emva kwale nto ingaka kuthi kanti akukho mphefumlo ungekhoyo.

Into ethe yaayingozi ife ncinane kakhulu xa ithelekiswa nento ekube kuyiyo : Ngamahaje mane afileyo kanye, amahlalu enzakele ngokungabuye kunyangeke ; amankonyana abefotshelelwe esibayeni emathathu afa omathathu engabonwanga mntu. UGxaseka, iBele uthe ngokukha amanzi okucima umlilo kufuphi nesiziba, wathi kanti ukhawuleze kakhulu, wagisiseleka esizibeni. Uthe kanti akawazi ukudada, yaye idyasi awaye eyambethe inzima, yamxinzelela okunye ezantsi ; lithe kanti ikhaba alisathathi ngqalelo, lamqonda umntu sel' ehluthi ngamanzi, wanyulwa walaliswa ngesisu, intloko yasingiswa ezantsi, ithe kanti loo nto iya kumceda kwa oko, aphume ngomlomo amanzi, noko angomelelanga kamsinya.